

十三經注疏

三十九



儀禮初月

士冠禮第

士昏禮第二

士相見禮第三

鄉飲酒禮第四

鄉射禮第五

燕禮第六

大射儀第七

聘禮第八

公食大夫禮第九

覲禮第十

喪服第十一

士喪禮第十二

既夕禮第十三

士虞禮第十四

特牲饋食禮第十五

少牢饋食禮第十六

有司徹第十七

篇目終

儀禮卷第一

士冠禮第一

士冠禮筮于廟門主人玄冠朝服緇帶素鞞即位于門東西面有司如主人服即位于西方東面北上筮與席所卦者具饌于西塾布席于門中闈西闕外西面筮人執筴抽上韞兼執之進受命於主人宰自右少退贊命筮人許諾右還即席坐西面卦者在左卒筮書卦執以示主人主人受眡反之筮人還東面旅占卒進告吉若不言則筮遠日如初儀徹筮席宗人告事畢主人戒賓賓禮辭許主人再拜賓答拜主人

問何校

六

一

江富

退賓拜送前期三日筮賓如求日之儀乃宿賓賓如主人服出門左西面再拜主人東面答拜乃宿賓賓許主人再拜賓答拜主人退賓拜送宿贊冠者一人亦如之厥明夕為期于廟門之外主人立于門東兄弟在其南少退西面北上有司皆如宿服立于西方東面北上擯者請期宰告曰質明行事告兄弟及有司告事畢擯者告期于賓之家夙興設洗直于東榮南北以堂深水在洗東陳服于房中西墉下東領北上爵弁服纁裳純衣緇帶韎韐皮弁服素積緇帶素鞞玄端玄裳黃裳雜裳可也緇帶爵弁緇布冠缺項

青組纓屬于缺緇纒廣終幅長六尺皮弁笄爵弁笄
緇組紉纒邊同篋櫛實于簞蒲筵二在南側尊一甒
醴在服北有篚實勺解角柶脯醢南上爵弁皮弁緇
布冠各一匱執以待于西坫南南面東上賓升則東
面主人玄端爵禠立于阼階下直東序西面兄弟卑
衿玄立于洗東西面北上擯者玄端負東塾將冠者
采衣紒在房中南面賓如主人服贊者玄端從之立
于外門之外擯者告主人迎出門左西面再拜賓各
拜主人揖贊者與賓揖先入每曲揖至于廟門揖入
三揖至于階三讓主人升立于序端西面賓西序東
面贊者盥于洗西升立于房中西面南上主人之贊
者筵于東序少北西面將冠者出房南面贊者奠纒
笄櫛于筵南端賓揖將冠者將冠者即筵坐贊者坐
櫛設纒賓降主人降賓辭主人對賓盥卒壹揖壹讓
升主人升復初位賓筵前坐正纒興降西階一等執
冠者升一等東面授賓賓右手執項左手執前進容
乃祝坐如初乃冠興復位贊者卒冠者興賓揖之適
房服玄端爵禠出房南面賓揖之即筵坐櫛設笄賓
盥正纒如初降二等受皮弁右執項左執前進祝加
之如初復位贊者卒紉興賓揖之適房服素積素禠

容出房南面賓降三等受爵弁加之服纁裳韎韐其
他如加皮弁之儀徹皮弁冠櫛筵入于房筵于戶西
南面贊者洗于房中側酌醴加枳覆之面葉賓揖冠
者就筵筵西南面賓受醴二戶東加枳面枋筵前北
面冠者筵西拜受觶賓東面答拜薦脯醢冠者即筵
坐左執觶右祭脯醢以枳祭醴三興筵末坐啐醴筵
枳興降筵坐奠觶拜執觶興賓答拜冠者奠觶于薦
東降筵北面坐取脯降自西階道東壁北面見于母
母拜受子拜送母又拜賓降直西序東面主人降復
初位冠者立于西階東南面賓字之冠者對賓出主

人送于朝門外請醴賓禮辭許賓就次冠者見於
兄弟兄弟再拜冠者答拜見贊者西面拜亦如之入
見如姊如見母乃易服服玄冠玄端爵韠摯見于
君遂以摯見於鄉大夫鄉先生乃醴賓以壹獻之禮
主人酬賓東帛灑皮贊者皆與贊冠者爲介賓出主
入送于外門外再拜歸賓俎若不醴則醢用酒尊于
房戶之間兩甒有禁玄酒在西加勺南枋洗有篚在
西南順始加醢用脯醢賓降取爵于篚辭降如初卒
洗升酌冠者拜受賓答拜如初冠者升筵坐左執爵
右祭脯醢祭酒興筵末坐啐酒降筵拜賓答拜冠者

奠爵于薦東立于筵西徹薦爵筵尊木徹加皮弁如初儀毋醮攝酒其他皆如初加爵弁如初儀三醮有乾肉折俎亦之其他如初北面取脯見于母若殺則特豚載合升離肺實于鼎設局鼎始醮如初再醮兩豆葵菹羸醢兩邊栗脯二醮攝酒如再醮加俎齊之皆如初齊肺卒醮取邊脯以降如初若孤子則父兄戒伯冠之日主人紛而迎賓拜揖讓立于序端皆如冠主禮於阼凡拜北面于阼階上賓亦北面于西階上若年若殺則舉鼎陳于門外直東塾北面若庶子則冠于房外南面遂醮焉冠者母不在則使人受脯

于西階下戒賓曰某有子某將加布於其首願吾子之教之也賓對曰某不敏恐不能共事以病吾子敢辭主人曰某猶願吾子之終教之也賓對曰吾子重有命某敢不從宿曰某將加布於其之首吾子將祿之敢宿賓對曰某敢不夙興始加祝曰令月吉日始加元服棄爾幼志順爾成德壽考惟祺介爾景福再加曰吉月令辰乃申爾服敬爾威儀淑慎爾德貞壽萬年永受胡福二加曰以歲之正以月之令咸加爾服兄弟具在以成厥德黃耇無疆受天之慶醴辭曰甘醴惟厚嘉薦令芳拜受祭之以定爾祥承天之休

壽考不忘醯辭曰旨酒既清嘉薦曾時始加元服兄弟具來孝友時格求乃保之再醯曰旨酒既清嘉薦伊脯乃申爾服禮儀有序祭此嘉爵承天之祐三醯曰旨酒令芳籩豆有楚咸加爾服肴升折俎承天之慶受福無疆字辭曰禮儀既備令月吉日昭告爾字爰字孔嘉髦士攸宜宜之于假求受保之曰伯某甫仲叔季唯其所當履夏用葛玄端黑履青約纁純純博寸素積白履以魁柎之緇約纁純純博寸爵弁纁履黑約纁純純博寸冬皮履可也不履纁履記冠義始冠緇布之冠也大古冠布齊則緇之其縷也孔子曰吾未之聞也冠而敝之可也適子冠於阼以著代也醯於客位加有成也三加彌尊諭其志也冠而字之敬其名也委貌周道也章甫殷道也毋追夏后字之道也周弁殷哱夏收三王共皮弁素積無大夫冠禮而有其昏禮古者五十而后爵何大夫冠禮之有公侯之有冠禮也夏之末造也天子之元子猶士也天下無生而貴者也繼世以立諸侯象賢也以官爵入德之殺也死而謚今也古者生無爵死無謚

儀禮卷第二

士昏禮第二

昏禮下達納采用鴈主人筵于戶西西上右几使者
文端至擯者出請事入告主人如賓服迎於門外再
拜賓不答拜揖入至于廟門揖入三揖三階三讓
主人以賓升西面賓升西階當門東面致命主人阼
階上北面再拜授于楹間南面賓降出主人降授老
鴈擯者出請賓執鴈馮請問名主人許賓人授如初禮
擯者出請賓告事畢人告出請醴賓有禮辭許主人
徹几改筵東上側尊醴于房中主人迎賓于廟門
外揖讓如初升主人北面再拜賓西階上北面各拜
主人拂几授授拜送賓以几辟北面設于坐左之西
階上各拜贊者酌醴加用柶而兼出于房主人受醴
面枋筵前西北面賓拜受醴後位主人阼階上拜送
贊者馮脯醢賓即筵坐左執纒祭脯醢以柶祭醴三
西階上北面坐啐醴建柶與坐奠解遂拜主人各拜
賓即筵奠于馮左降筵北面坐取脯主人辭賓降授
人脯出主人送于門外再拜納吉用鴈如納采禮納
徵玄纁束帛儷皮如納吉禮請期用鴈主人辭賓許
告期如納徵禮期初昏陳二鼎于寢門外東方北面

北上其實特豚合升去蹄舉肺脊二祭肺二魚十有
四腊一純髀不升皆飪設扃鼎設洗於阼階東南饌
于房中醯醬二豆菹醢四豆兼巾之黍稷四敦皆蓋
大羹湑在饗尊于室中北墉下有禁玄酒在西綌冪
加勺皆南枋尊于房戶之東無玄酒篚在南實四爵
合鬯主人爵弁纁裳緇旒從者畢玄端乘墨車從車
二乘執燭前馬婦車亦如之有棧至于門外主人筵
于戶西西上右几女次純衣纁袡立于房中南面姆
纁笄宵衣在其右女從者畢袷玄纁笄被纁黼在其
後主人玄端迎于門外西面再拜賓東面答拜主人

閩何校

儀禮二

二

吳佛生

揖入賓執鴈從至于廟門揖入三揖至于階三讓主
人升西面賓升北面奠鴈再拜稽首降出婦從降自
西階主人不降送壻御婦車授綏姆辭不受婦乘以
几姆加景乃驅御者代壻乘其車先俟于門外婦至
主人揖婦以入及寢門揖入升自西階媵布席于奧
夫入于室即席婦尊西南面媵御沃盥交贊者徹尊
冪舉者盥出除冪舉鼎入陳于阼階南西面北上已
俎從設北面載執而俟已者遂退復位于門東北面
西上贊者設醬于席前菹醢在其北俎入設于豆東
魚次腊特于俎北贊設黍于醬東稷在其東設湑于

醬南設對醬于東道醴在其南北上設黍于腊北其
西稷設清于醬北御布對席饗會郤于敦南對敦
于北贊告具揖婦即對筵皆坐昏祭祭薦黍稷肺贊
爾黍授肺脊皆食以清醬昏祭舉食舉也三飯卒食
贊洗爵酌醑主人主人拜受贊戶內北面各拜醑婦
亦如之皆祭贊以肝從皆振祭嘑肝皆實于道豆卒
爵皆拜贊各拜受爵再醑如初無從二醑用鬯亦如
之贊洗爵酌于戶外尊入戶西北面奠爵拜皆各拜
坐祭卒爵拜皆各拜與主人出婦復位乃徹于房中
如設于室尊否主人說服于房媵受婦說服于室御

受姆授巾御社于奧媵社良席在東皆有枕北止主
人入親說婦之纓燭出媵餼主人之餘御餼婦餘贊
酌外尊醑之媵侍于戶外呼則聞夙興婦沐浴纓筭
宵衣以俟見贊明贊見婦于舅姑席于阼舅即席席
于房外南面姑即席婦執筭栗自門入升自西階
進拜奠于席舅坐撫之興各拜婦還又拜降階受筭
媵脩升進北面拜奠于席姑坐舉以興拜授人贊醴
婦席于戶牖間側尊醴于房中婦疑立于席西贊
者酌醴加枲而枋出房席前北面婦東面拜受贊西
階上北面拜送婦又拜薦脯醴婦升席左執觶右祭

脯醢以枹祭醴三降席東面坐啐醴建枹興拜贊之
拜婦又拜奠于薦東北面坐取脯降出授人于門外
舅姑入于室婦盥饋特豚合升側載無魚腊無稷並
南上其他如取女禮婦贊成祭卒食一醕無從席于
北墉下婦徹設席前如初西上婦餽舅辭易醬婦餽
姑之饌御贊祭豆黍肺舉肺脊乃食卒姑醕之婦拜
受姑拜送坐祭卒爵姑受奠之婦徹于房中媵御餽
姑醕之雖無媵先於是與始飯之錯舅姑共饗婦
以一獻之禮舅洗于南洗姑洗于北洗奠酬舅姑先
降自西階婦降自阼階歸婦俎于婦氏八舅饗送者

大四百

儀禮二

卷一

若祭

以一獻之禮酬以束錦姑饗婦人送者酬以束錦若
異邦則贈丈夫送者以束錦若舅姑既沒則婦入三
月乃奠菜席于廟奧東面右几席于北方南面祝盥
婦盥于門外婦執筭菜祝帥婦以入祝告稱婦之姓
曰某氏來婦敢奠嘉菜于皇舅某子婦拜扱地坐奠
菜于几東席上還又拜如初婦降堂取筭菜入祝曰
某氏來婦敢告于皇姑某氏奠菜于席如初禮婦出
祝闔牖戶老醴婦于房中南面如舅姑醴婦之禮增
饗婦送者丈夫婦人如舅姑饗禮記士昏禮凡行事
必用昏所受諸禰廟辭無不腆無辱摯不用死皮帛

必可制腊必用鮮魚用鮓必殺全女子許嫁笄而醴
之稱字祖廟未毀教于人宮三月若祖廟已毀則教
于宗室問名主人受鴈還西面對壻受命入降祭醴
始被壻祭又扱冊祭壻不取脯左奉之乃歸執以反
命納徵執皮攝之內又兼執足左首隨入西上參分
庭一在南賓之命釋外廷見之主人受幣士受皮者
自東出于後自左受遂坐攝皮逆退適東壻父體女
而俟逆者毋南面于房外女出于母左父西面戒之
必有正焉若衣若笄毋戒諸西階上不降婦棄以几
從者一人坐持几相對婦入寢門贊者徹尊室酌玄
酒三爵于尊棄餘水于堂下階間如勺笄緇被纁裏
加于椅舅若拜坐徹筵婦席薦饌于房壻婦姑焉焉
婦洗在北堂直至東隅能東北面壻婦酢舅更爵
自薦不敢辭洗舅降則辟于房不敢拜洗凡婦人相
饗無時婦入二月然後祭行庶婦則使人醮之婦不
饋昏辭曰吾子有異貺室某也某有先人之禮使某
也請納采對曰某之子蠢愚又弗能教吾子命之某
不敢辭致命曰敢納采問名曰某既受命將加諸卜
敢請之為誰氏對曰吾子有命且以備禮而擇之某
不敢辭醴曰子為事故至於某之室某有先人之禮

請醴從者對曰某既得將事矣敢辭先人之禮敢固以請某辭不得命敢不從也納吉曰吾子有貺命某加諸卜占曰吉使某也敢告對曰某之子不教唯恐弗堪子有吉我與在某不敢辭納徵曰吾子有嘉命貺室某也某有先人之禮儷皮束帛使某也請納徵致命曰某敢納徵對曰吾子順先典貺某重禮某不敢辭敢不承命請期曰吾子有賜命某既申受命矣惟是三族之不虞使某也請吉日對曰某既前受命矣唯命是聽曰某命某聽命于吾子對曰某固惟命是聽使者曰某使某受命吾子不許某敢不告期曰

某日對曰某敢不敬須凡使者歸反命曰某既得將事矣敢以禮告主人曰聞命矣父醮子命之曰往迎爾相承我宗事勗帥以敬先妣之嗣若則有常子曰諾唯恐弗堪不敢忘命賓至擯者請對曰吾子命某以茲初昏使某將請承命對曰某固敬具以須父送女命之曰戒之敬之夙夜毋違命母施衿結帨曰勉之敬之夙夜無違宮事庶母及門內施鞶申之以父母之命命之曰敬恭聽宗爾父母之言夙夜無愆視諸衿鞶壻授綏姆辭曰未教不足與爲禮也宗子無父母命之親皆沒已躬命之支子則稱其宗弟稱其

凡若不親迎則婦入三月然後壻見曰某以得爲外
昏姻請覲主人對曰某以得爲外昏姻之數某之子
未得灌溉於祭祀是以未敢見今吾子辱請吾子之
就宮某將走見對曰某以非他故不足以辱命請終
賜見對曰某得以爲昏姻之故不敢固辭敢不從主
人出門左西面壻入門東面奠執再拜出擯者以摯
出請受壻禮辭許受摯入主人再拜受壻再拜送出
見主婦主婦闔扉立于其內壻立于門外東面主婦
一拜壻答再拜主婦又拜壻出主人請醴及揖讓入
醴以一獻之禮主婦薦奠酬無幣壻出主人送再拜

儀禮卷第一

儀禮卷第三

士相見禮第三

士相見之禮摯之用雉是用牯左頭奉之曰某也願見無由達某子以命命某見主人對曰某子命某見吾子有辱請吾子之就家也某將走見賓對曰某不不足以辱命請終賜見主人對曰某不敢為儀固請吾子之就家也某將走見賓對曰某不敢為儀固以請主人對曰某也固辭不得命將走見聞吾子稱摯敢辭摯賓對曰某不以摯不敢見主人對曰某不足以習禮敢固辭賓對曰某也不依於摯不敢見固以請主人對曰某也固辭不得命敢不敬從出迎于門外再拜賓各再拜主人揖入門右賓奉摯入門左主人再拜受賓再拜送摯出主人請見賓反見退主人送于門外再拜主人復見之以其摯曰處者吾子辱使某見請還摯於將命者主人對曰某也既得見矣敢辭賓對曰某也非敢求見請還摯于將命者主人對曰某也既得見矣敢固辭賓對曰某不敢以聞固以請於將命者主人對曰某也固辭不得命敢不從賓奉摯入主人再拜受賓再拜送摯出主人送于門外再拜士見於大夫終辭其摯於其入也一拜其辱也

不得再拜若嘗為臣者則禮辭其摯曰某也辭不
得命不敢尚辭賓入奠摯再拜主人答壹拜賓出使
摯者還其摯于門外曰某也使某還摯賓對曰某也
既得見矣敢辭摯者對曰某也命某某非敢為儀也
敢以請賓對曰某也夫子之賤私不足以踐禮敢固
辭摯者對曰某也使某不敢為儀也固以請賓對曰
某固辭不得命敢不從再拜受下大夫相見以馬節
之以布維之以素如執雉上大夫相見以羔節之以
布四維之結于面左頭如齋執之如士相見之禮始
見于君執摯至下空彌庭庶人見於君不為參進退

大司馬第五 禮記卷之五

十一

卷之五

走士大夫則奠摯再拜稽首君答壹拜若他邦之人
則使摯者還其摯曰寡君使某還摯賓對曰君不肖
其外臣臣不敢辭再拜稽首受凡燕見於君必辭若
之南面若不得則正方不疑君君在堂升見無方階
辯君所在凡言非對也安而後傳言與君言言使曰
與夫人言言事君與老者言言使弟言與幼者言言
孝弟于父兄與衆言言忠信慈祥與憲官者言言忠
信凡與大人言始視面中視抱卒視而毋改幾比且若
是若父則遊目母上於面母下於帶若不言立則視
足坐則視膝凡侍坐於君子久伸問日之早暮

以食具告改居則請退可也夜侍坐問夜膳董請退可也若君賜之食則君歿先飯徧嘗膳飲而俟君命之食然後食若有將食者則俟君之食然後食若君賜之爵則下席再拜稽首受爵升席祭卒爵而俟君卒爵然後授虛爵退坐取履隱辟而后履君為之興則曰君無為興臣不敢辭君若降送之則不敢顧辭遂出大夫則辭退下比及門三辭若先生異爵者請見之則辭辭不得命則曰某無以見辭不得命將走見先見之非以君命使則不稱寡大夫士則曰寡君之老凡執幣者不趨容彌蹙以為儀執玉者則惟舒

國何故

儀禮三

三 施肥

武舉前曳踵凡自稱於君士大夫則曰下臣宅者在邦則曰市井之臣在野則曰草茅之臣庶人則曰刺草之臣他國之人則曰外臣

儀禮卷第三

儀禮卷第四

鄉飲酒禮第四

鄉飲酒之禮主人就先生而謀賓介主人戒賓賓拜辱主人荅拜乃請賓賓禮辭許主人再拜賓荅拜主人退賓拜辱介亦如之乃席賓主人介衆賓之席皆不屬焉尊兩壺于房戶間斯禁有玄酒在西設篚于禁南東肆加二勺于兩壺設洗于阼階東南南北以堂深東西當東榮水在洗東篚在洗西南肆羹定主人速賓賓拜辱主人荅拜還賓拜辱介亦如之賓及衆賓皆從之主人一相迎于門外再拜賓賓荅拜拜

儀禮卷第四

介介荅拜揖衆賓主人揖先入賓厭介入門左介厭衆賓入衆賓皆入門左北上主人與賓三揖至于階三讓主人升賓升主人阼階上當楹北面再拜賓西階上當楹北面荅拜主人坐取爵于篚降洗賓降主人坐奠爵于階前辭賓對主人坐取爵興適洗南面坐奠爵于篚下盥洗賓進東北面辭洗主人坐奠爵于篚興對賓復位當西序東面主人坐取爵沃洗者西北面卒洗主人壹揖壹讓升賓拜洗主人坐奠爵遂拜降盥賓降主人辭賓對復位當西序卒盥揖讓升賓西階上疑立主人坐取爵實之賓之席前西北

賓賓西階上拜主人少退賓進受爵以饋
人阼階上拜送爵賓少退薦脯醢賓升席自西方乃
設折俎主人阼階東疑立賓坐左執爵祭脯醢奠爵
于薦西興右手取肺卻左手執本坐弗繚右絕末以
祭尚左手齊之興加于俎坐佻手遂祭酒興席主坐
卒酒降席坐奠爵拜告旨執爵興主人阼階上答拜
賓西階上北面坐卒爵興坐奠爵遂拜執爵興主人
阼階上答拜賓降洗主人降賓坐奠爵興辭主人對
賓坐取爵適洗南北面主人阼階東南面辭洗賓坐
奠爵于篚興對主人復阼階東西面賓東北面盥坐

取爵卒洗揖讓如初升主人拜洗賓答拜興降盥如
坐人禮賓實爵主人之席前東南面酌主人主人阼
階上拜賓少退主人進受爵復位賓西階上拜送爵
薦脯醢主人升席自北方設折俎祭如賓禮不告旨
自席前適阼階上北面坐卒爵興坐奠爵遂拜執爵
興賓西階上答拜主人坐奠爵于序端阼階上北面
再拜宗酒實西階上答拜主人坐取觶于篚降洗賓
降主人辭降賓不辭洗立當西序東面卒洗揖讓升
賓西階上疑立主人實觶酬賓阼階上北面坐奠觶
遂拜執觶興賓西階上答拜坐祭遂飲卒觶興坐奠

觶遂拜執觶興賓西階上答拜主人降洗賓降辭如
獻禮升下拜洗賓西階上立主人負觶賓之席前北
面賓西階上拜主人少退卒拜進坐奠觶于薦西賓
辭坐取觶復位主人阼階上拜送賓北面坐奠觶于
薦東復位主人揖降賓降立于階西當序東面主人
以介揖讓升拜如賓禮主人坐取爵于東序端降洗
介降主人辭降介辭洗如賓禮升不拜洗介西階上
立主人實爵介之席前西南面獻介介西階上北面
拜主人少退介進北面受爵復位主人介右北面拜
送爵介少退主人立于西階東薦脯醢介升席自北

方設折俎祭如賓禮不躋肺不啐酒不告旨自南方
降席北面坐卒爵興坐奠爵遂拜執爵興主人介右
答拜介降洗主人復阼階降辭如初卒洗主人盥介
揖讓升授主人爵于兩楹之間介西階上立主人實
爵酢于西階上介右坐奠爵遂拜執爵興介答拜主
人坐奠爵于西楹南介右再拜崇酒介答拜主人復
阼階揖降介降立于賓南主人西南面三拜衆賓衆
賓皆答一拜主人揖升坐取爵于西楹下降洗升實
爵于西階上獻衆賓衆賓之長升拜受者三人主人

拜送坐祭立飲不拜既爵授主人爵降復位衆賓獻則不拜受爵坐祭立飲每一人獻則薦諸其席衆賓辯有脯醢主人以爵降奠于篚揖讓升賓厭介升介厭衆賓升衆賓序升即席一人洗升舉觶于賓實觶西階上坐奠觶遂拜執觶興賓席末答拜坐祭遂飲卒觶興坐奠觶遂拜執觶興賓答拜降洗升實觶立于西階上賓拜進坐奠觶于薦西賓辭坐受以興舉觶者西階上拜送賓坐奠觶于其所舉觶者降設席于堂廉東上工四人二瑟瑟先相者二人皆左何瑟後首揜越內弦右手相樂正先升立于西階東工入

升自西階北面上相者東面坐遂授瑟乃降工歌鹿鳴四牡皇皇者華卒歌主人獻工工左瑟一人不拜不興受爵主人阼階上拜送爵薦脯醢使人相祭工飲不拜既爵授主人爵衆工則不拜受爵祭飲辯有脯醢不祭大師則為之洗賓介降主人辭降上不辭洗笙入堂下磬南北面立樂南陔白華華黍主人獻之于西階上一人拜就階不升堂受爵主人拜送爵階前坐祭立飲不拜既爵升授主人爵衆坐則不拜受爵坐祭立飲辯有脯醢不祭乃間歌魚麗笙由庚歌南有嘉魚笙崇丘歌南山有臺笙由儀乃合樂周南

關雎葛覃卷耳召南鵲巢采芣采蘋工告于樂正曰
正歌備樂正告于賓乃降主人降席自南方側降作
相為司正司正禮辭許諾主人拜司正荅拜主人升
復席司正洗觶升自西階阼階上北面受命于主人
主人曰請安于賓司正告于賓賓禮辭許司正告于
主人主人阼階上再拜賓西階上荅拜司正立于楹
間以相并皆揖復席司正實觶降自西階階間北面
坐奠觶退共步立坐取觶不祭遂飲卒觶興坐奠觶
遂拜執觶興盥洗北面坐奠觶于其所退立于觶南
賓北面坐取俎西之觶阼階上北面酬主人主人降

席立于賓東賓坐奠觶遂拜執觶興主人荅拜不祭
立飲不拜卒觶不洗實觶東南面授主人主人阼階
上拜賓少退主人受觶賓拜送于主人之西賓揖復
席主人西階上酬介介降席自南方立于主人之西
扣賓酬主人之禮主人揖復席司正升相旅曰某子
受酬受酬者降席司正退立于序端東面受酬者自
介右衆受酬者受自左拜興飲皆如賓酬主人之禮
辯卒受者以觶降坐奠于篚司正降復位使二人舉
觶于賓介洗升實觶于西階上皆坐奠觶遂拜執觶
興賓介席末荅拜皆坐祭遂飲卒觶興坐奠觶遂拜

執觶與賓介席末各拜逆降洗升實觶皆立于西
上賓介皆拜皆進薦西奠之賓辭坐取觶以興介則
薦南奠之介坐受以興退皆拜送降賓介奠于其所
司正升自西階受命于主人主人曰請坐于賓賓辭
以俎主人請徹俎賓許司正降階前命弟子俟徹俎
司正升立于席端賓降席北面主人降席阼階上北
面介降席西階上北面尊者降席席東南面賓取俎
還授司正司正以降賓從之主人取俎還授弟子弟
子以降自西階主人降自阼階介取俎還授弟子弟
子以降介從之若有諸公大夫則使人受俎如賓禮
衆賓皆降說屨揖讓如初升坐乃羞無筭爵無筭樂
賓出奏陔主人送于門外再拜賓若有尊者諸公大
夫則既一人舉觶乃入席于賓東公三重大夫再重
公如大夫入主人降賓介降衆賓皆降復初位主人
迎揖讓升公升如賓禮辭一席使一人去之大夫則
如介禮有諸公則辭加席委于席端主人不徹無諸
公則大夫辭加席主人對不去加席明日賓腹鄉服
以拜賜主人如賓服以拜辱主人釋服乃息司正無
介不殺薦脯醢羞唯所有徵唯所欲以告于先生君
子可也賓介不與鄉樂唯欲記鄉朝服而謀賓介皆

使能不宿戒蒲筵緇布純尊絡冪賓至徹之其牲苟也身于堂東北獻用爵其他用觶薦脯五挺橫祭于其上出自左房俎由東壁自西階升賓俎脊脅有肺主人俎脊脅臂肺介祀脊脅肫肺皆離皆右體進腍以爵拜者不徒作坐卒爵者拜既爵立卒爵者不拜既爵凡奠者於左將舉於右衆賓之長一人辭洗如賓禮立者東面北上若有北面者則東上案正與立者皆薦以齒凡卒爵三作而不徒爵案作大夫不入獻工與笙取爵于上篚既獻奠于下篚其笙則獻諸西階上磬階間縮霤北面鼓之主人介凡升席自北方降自南方司正既卒觶而薦諸其位凡旅不洗不洗者不祭既旅士不入徹俎賓介尊者之俎受者以降遂出授從者主人之俎以東樂正命奏賓出至于階陔作若有諸公則大夫於主人之北西面主人之贊者西面北上不與無筭爵然後與

儀禮卷第五

鄉射禮第五

鄉射之禮主人戒賓賓出迎再拜主人荅再拜乃請
賓禮辭許主人再拜賓荅再拜主人退賓送再拜無
介乃席賓南西東上衆賓之席繼而西席主人於阼
階上西面尊于賓席之東兩壺斯禁左玄酒皆加勺
篚在其南東肆設洗于阼階東南南北以堂深東西
當東榮水在洗東篚在洗西南肆縣于洗東北西面
乃張侯下網不及地武不繫左下網中掩束之之參
侯道居侯黨之一西五步羹定主人朝服乃速賓賓

正德十六年 儀禮五

一

一

朝服出迎再拜主人荅再拜退賓送再拜賓及衆賓
遂從之及門主人一相出迎于門外再拜賓荅再拜
揖衆賓主人以賓揖先入賓厭衆賓衆賓皆入門左
東面北上賓少進主人以賓三揖皆行及階三讓主
人升一等賓升主人阼階上當楣北面再拜賓西階
上當楣北面荅再拜主人坐取爵于上篚以降賓降
主人阼階前西面坐奠爵興辭降賓對主人坐取爵
興適洗南面坐奠爵于篚下盥洗賓進東北面辭洗
主人坐奠爵于篚興對賓反位主人卒洗壹揖壹讓
以賓升賓西階上北面拜洗主人阼階上北面奠爵

遂於拜乃降賓降主人辭降賓對主人卒盥壹揖
讓升賓升西階上疑立主人坐取爵實之賓席之前
西北面獻賓賓西階上北面拜主人少退賓進受爵
于席前復位主人阼階上拜送爵賓少退薦脯醢賓
升席自西方乃設折俎主人阼階東疑立賓坐左執
爵右祭脯醢奠爵于薦西興取肺坐絕祭尚左手齊
之興加于俎坐挽手執爵遂祭酒興席末坐啐酒降
席坐奠爵拜告旨執爵興主人阼階上答拜賓西階
上北面坐卒爵興坐奠爵遂拜執爵興主人阼階上
答拜賓以虛爵降主人降賓西階前東面坐奠爵興
正德六年刊
人儀禮五
二
辭降主人對賓坐取爵適洗北面坐奠爵于篚下興
盥洗主人阼階之東南面辭洗賓坐奠爵于篚興對
主人反位賓卒洗揖讓如初升主人拜洗賓答拜興
降盥如主人之禮賓升賓爵主人之席前東南面酌
主人主人阼階上拜賓少退主人進受爵復位賓西
階上拜送爵薦脯醢主人升席自北方乃設折俎祭
如賓禮不告旨自席前適阼階上北面坐卒爵興坐
奠爵遂拜執爵興賓西階上北面答拜主人坐奠爵
于序端阼階上再拜崇酒賓西階上答再拜主人坐
取觶于篚以降賓降主人奠觶辭降賓對東面立主

人坐取觶洗賓不辭洗卒洗揖讓升賓西階上疑立
主人實觶酬之阼階上北面坐奠觶遂拜執觶興賓
西階上北面答拜主人坐祭遂飲卒觶興坐奠觶遂
拜執觶興賓西階上北面答拜主人降洗賓降辭如
獻禮升不拜洗賓西階上立主人實觶賓之席前北
面賓西階上拜主人坐奠觶于薦西賓辭坐取觶以
興反位主人阼階上拜送賓北面坐奠觶于薦東反
位主人揖降賓降東而立于西階西當西序主人西
南面三拜衆賓衆賓皆答一拜主人揖升坐取爵于
序端降洗升實爵西階上獻衆賓衆賓之長升拜受

者三人主人拜送坐祭立飲不拜既爵授主人爵降
復位衆賓皆不拜受爵坐祭立飲每一人獻則薦諸
其席衆賓辯有脯醢主人以虛爵降奠于篚揖讓升
賓厭衆賓升衆賓皆升就席一人洗舉觶於賓升實
觶西階上坐奠觶拜執觶興賓席末答拜舉觶者坐
祭遂飲卒觶興坐奠觶拜執觶興賓答拜降洗升實
之西階上北面賓拜舉觶者進坐奠觶于薦西賓辭
坐取以興舉觶者西階上拜送賓反奠于其所舉觶
者降大夫若有尊者則入門左主人降賓及衆賓皆
降復初位主人揖讓以大夫升拜至大夫答拜主人

以爵降大夫降主人辭降大夫辭洗如賓禮席于東升不拜洗主人實爵席前獻于大夫大夫西階上拜進受爵反位主人大夫之右拜送大夫辭加席主人對不去加席乃薦脯醢大夫升席設折俎祭如賓禮不齊肺不啐酒不告旨西階上卒爵拜主人答拜大夫降洗主人復阼階降辭如初卒洗主人盥揖讓升大夫授主人爵于兩楹間復位主人實爵以酢于西階上坐奠爵拜大夫答拜坐祭卒爵拜大夫答拜主人坐奠爵于兩楹南再拜崇酒大夫答拜主人復阼階揖降大夫降立于賓南主人揖讓以賓升大夫

及衆賓皆升就席席工于西階上少東樂正先升北面立于其西工四人二瑟瑟先相者皆左何瑟面鼓執越內弦右手相入升自西階北面東上工坐相者坐授瑟乃降笙入立于縣中西面乃合樂周南關雎葛覃卷耳召南鵲巢采芣采蘋工不興告于樂正曰正歌備樂正告于賓乃降主人取爵于上篚獻工大師則為之洗賓降主人辭降工不辭洗卒洗升實爵工不興左瑟一人拜受爵主人阼階上拜送爵薦脯醢使人相祭工飲不拜既爵授主人爵衆工不拜受爵祭飲辯有脯醢不祭不洗遂獻笙于西階上笙一

人拜于下盡階不升堂受爵主人拜送爵階前坐祭立飲不拜既爵升受主人爵衆筮不拜受爵坐祭立飲辯有脯醢不祭主人以爵降奠于篚反升就席主人降席自南方側降作相爲司正司正禮辭許諾主人再拜司正答拜主人升就席司正洗觶升自西階由楹內適阼階上北面受命于主人西階上北面請安于賓賓禮辭許司正告于主人遂立於楹間以相拜主人阼階上再拜賓西階上答再拜皆揖就席司正實觶降自西階中庭北面坐奠觶興退少立進坐取觶興反坐不祭遂卒觶興坐奠觶拜執觶興洗北

閩何校

儀禮五

五

江富

面坐奠于其所興少退北面立于觶南未旌三耦俟于堂西南面東上司射適堂西袒決遂取弓于階西兼挾乘矢升自西階階上北面告于賓曰弓矢既具有司請射賓對曰某不能爲二三子許諾司射適阼階上東北面告于主人曰請射于賓賓許司射降自西階階前西面命弟子納射器乃納射器皆在堂西賓與大夫之弓倚于西序矢在弓下北括衆弓倚于堂西矢在其上主人之弓矢在東序東司射不釋弓矢遂以比三耦於堂西三耦之南北面上射曰某御於子命下射曰子與其子射司正爲司馬司馬命張侯

弟子說束遂繫左下綱司馬又命獲者倚旌于侯中獲者由西方坐取旌倚于侯中乃退樂正適西方命弟子贊工遷樂于下弟子相工如初入降自西階下之東南堂前三筈西面北上坐樂正北面立于其南司射猶挾乘矢以命三耦各與其耦讓取弓矢拾三耦皆袒決遂有司左執弣右執弦而授弓遂授矢三耦皆執弓搢三而挾一个司射先立于所設中之西南東面立于三耦之北搢三而挾一个揖進當階北面揖及階揖升堂揖豫則鉤楹內堂則由楹外當左物北面揖及物揖左足履物不方足還視侯中附正

足不去旌誘射將乘矢執弓不挾右執弦南面揖揖如升射降出于其位南適堂西改取一个挾之遂適階西取扑搢之以反位司馬命獲者執旌以負侯而俟司射還當上耦西面作上耦射司射反位上耦揖進上射在左並行當階北面揖及階上射先升三等下射從之中等上射升堂少左下射升上射揖並行皆當其物北面揖及物揖皆左足履物還視侯中合足而俟司馬適堂西不決遂袒執弓出于司射之南升自西階鉤楹由上射之後西南面立于物間右執簫南揚弓命去侯獲者執旌許諾聲不絕以至于之

坐東面偃旌興而俟司馬出于下射之南還其後降
自西階反由司射之南適堂西釋弓襲反位立于司
射之南司射進與司馬交于階前相左由堂下西階
之東北面視上射命曰無射獲無獲獲上射揖司射
退反位乃射上射既發挾弓矢而后下射射拾發以
將乘矢獲者坐而獲舉旌以宮偃旌以商獲而未釋
獲卒射皆執弓不挾南面揖揖如升射上射降三等
下射少右從之中等並行上射於左與升射者相左
交于階前相揖由司馬之南適堂西釋弓說決拾襲
而俟于堂西南面東上三耦卒射亦如之司射去朴

倚丁西階之西升堂北面告于賓曰三耦卒射賓揖
司射降楮扑反位司馬適堂西袒執弓由其位南進
與司射交于階前相左升自西階鉤楹自右物之後
立于物間西面揖指弓命取矢獲者執旌許諾聲不
絕以旌乃復南俟司馬出于左物之南還其後降自
西階遂適堂前北面立于所設楬之南命弟子設楬
乃設楬于中庭南當洗東肆司馬由司射之南退釋
弓于堂西襲反位弟子取矢北面坐委于楬北括乃
退司馬襲進當楬南北面坐左右撫矢而乘之若矢
不備則司馬又袒執弓如初升命曰取矢不索弟子

日西方應曰諾乃復來矢加于楅司射倚扑于階西
升請射于賓如初賓許諾賓主人大夫若皆與射則
遂告于賓適阼階上告于主人主人與賓爲耦遂告
于大夫大夫雖衆皆與士爲耦以耦告于大夫曰某
御於子西階上北面作衆賓射司射降搢扑由司馬
之南適堂西立比衆耦衆賓將與射者皆降由司馬
之南適堂西繼三耦而立東上大夫之耦爲上若有
東面者則北上賓主人與大夫皆未降司射乃比衆
耦辯遂命三耦拾取矢司射反位三耦拾取矢皆袒
決遂執弓進立于司馬之西南司射作上耦取矢司

儀禮

射反位上耦揖進當楅北面揖及楅揖上射東面下
射西面上射揖進坐橫弓卻手自弓下取一个兼諸
附順羽且興執弦而左還退反位東面揖下射進坐
橫弓覆手自弓上取一个興其他如上射旣拾取乘
矢揖皆左還南面揖皆少進當楅南皆左還北面搢
三挾一个揖皆左還上射於右與進者相左相揖反
位三耦拾取矢亦如之後者遂取誘射之矢兼乘矢
而取之以授有司于西方而后反位衆賓未拾取矢
皆袒決遂執弓搢二挾一个由堂西進繼三耦之南
而立東南北上大夫之耦爲上司射作射

耦揖

升如初司馬命去侯獲者許諾司馬降釋弓反位司射
猶挾一个去扑與司馬交于階前升請釋獲于賓賓許
降搢扑西面立于所鹿中之東北面命釋獲者設中
遂視之釋獲者執鹿中一人執筭以從之釋獲者坐
設中南當楅西當西序東面興受筭坐實八筭于中
橫委其餘于中西南末興共而侯司射遂進由堂下
北面命曰不貫不釋上射揖司射退反位釋獲者坐
取中之八筭改實八筭于中興執以俟乃射若中則
釋獲者坐而釋獲每一个釋一筭上射於右下射於
左若有餘筭則反委之人取中之八筭改實八筭于

中興執而俟三耦卒射賓主人大夫揖皆由其階降
揖主人堂東袒決遂執弓搢三挾一个賓於堂西亦
如之皆由其階階下揖升堂揖主人爲下射皆當其
物北面揖及物揖乃射卒南面揖皆由其階階上揖
降階揖賓序西主人序東皆釋弓說決拾襲反位升
及階揖升堂揖皆就席大夫袒決遂執弓搢三挾一
个由堂西出于司射之西就其耦大夫爲下射揖進
耦少退揖如三耦及階耦先升卒射揖如升射耦先
降降階耦少退皆釋弓于堂西襲耦遂止于堂西大
夫升就席衆賓繼射釋獲皆如初司射所作唯上耦

卒射釋獲者遂以所執餘權并自西階盡階不升堂
告于賓曰左右卒射降反位以委餘獲于中西與共
而俟司馬袒決執弓升命以矢如初獲者許諾以旌
負侯如初司馬降釋弓反位弟子委矢如初大夫之
矢則兼東之以茅上握焉司馬來矢如初司射遂適
西階西釋弓去扑襲進由中東立于中南北面視筭
釋獲者東面于中西坐先數右獲二筭爲純一純以
取實于左手十純則縮而委之每委異之有餘純則
橫於下一筭爲奇奇則又縮諸純下與自前適左東
面坐兼飲筭實于左手一純以委十則異之其餘如
右獲司射復位不升堂告于賓共右勝則釋獲者遂
進取賢獲執以升自西階盡階以右賢於左若左勝
則曰左實於右以純數告若有奇者亦曰奇若左右
鈞則左右皆執一筭以告曰左右鈞降復位坐兼飲
筭實八筭于中委其餘于中西與共而俟司射適堂
西命弟子設豐弟子奉豐并設于西楹之西乃降勝
者之弟子洗觶升酌南面坐奠于豐上降袒執弓反
位司射遂袒執弓挾一个指扑北面于三耦之南命
三耦及衆賓勝者皆袒決遂執張弓不勝者皆襲說
浚拾卻左手右加強弓于其上遂以執附司射先反

位三耦及衆射者皆與其耦進立于射位北上司射
俟升飲者如作射一耦進揖如升射及階勝者先升
升堂少右不勝者進北面坐取豐上之觶與少退立
卒觶進坐莫于豐下與揖不勝者先降與升飲相左
交于階前相揖出於司馬之南遂適堂西釋弓襲而
俟有執爵者執爵者坐取觶實之反莫于豐上升飲
者如初三耦卒飲賓主人大夫不勝則不執弓執爵
者取觶降洗升實之以授于席前受觶以適西階上
北面立飲卒觶授執爵者反就席大夫飲則耦不升
若大夫之耦不勝則不執施弓特升飲衆賓禮飲射

儀禮五

十一

爵者辯乃徹豐與觶司馬洗爵升實之以降獻復者
于俟薦脯醢設折俎俎與薦皆三祭復者負侯北面
拜受爵司馬西面拜送爵復者執爵使人執其薦與
俎從之適右个設薦俎復者南面坐左執爵祭脯醢
執爵與取肺坐祭遂祭酒與適左个中皆如之左个
之西北三步東面設薦俎復者薦右東面立飲不拜
既爵司馬受爵莫于篚復位復者執其薦使人執俎
從之辟設于之南復者負侯而俟司射適階西釋已
矢去亦說決拾襲適洗洗爵升實之以降獻釋復者
于其位少南薦脯醢折俎有祭釋復者薦右東面拜

受爵司射北面拜送爵釋獲者就其薦坐左執爵祭
脯醢興取肺坐祭遂祭酒興司射之西北面立飲不
拜既爵司射受爵奠于篚釋獲者少西辟薦反位司
射適堂西袒決遂取弓于階西挾一个搯扑以反位
司射去扑倚于階西升請射于賓如初賓許司射降
搯扑由司馬之南適堂西命三耦及衆賓皆袒決遂
執弓就位司射先反位三耦及衆賓皆袒決遂執弓
各以其耦進反于射位司射作拾取矢三耦拾取矢
如初反位賓主人大夫降揖如初主人堂東賓堂西
皆袒決遂執弓皆進階前揖及福揖拾取矢如三耦

閩何校

儀禮五

十一

啓卷西

卒北面搯三挾一个揖退賓堂西主人堂東皆釋弓
矢襲及階揖升堂揖就席大夫袒決遂執弓就其耦
揖皆進如三耦耦東面大夫西面大夫進坐說矢東
興反位而后耦揖進坐兼取乘矢順羽而興反位揖
大夫進坐亦兼取乘矢如其耦北面搯三挾一个揖
退耦反位大夫遂適序西釋弓矢襲升即席衆賓繼
拾取矢皆如三耦以反位司射猶挾一个以進作上
射如初一耦揖升如初司馬升命去侯獲者許諾司
馬降釋弓反位司射與司馬交于階前去扑襲升請
以樂樂于賓賓許諾司射降搯扑東面命樂正曰請

以樂樂于賓賓許司射遂適階間堂下北面命曰不
鼓不釋上射揖司射退反位樂正東面命大師曰奏
騶虞間若一大師不與許諾樂正退反位乃奏騶虞
以射三耦卒射賓主人大夫衆賓繼射釋獲如初卒
射降釋獲者執餘獲升告左右卒射如初司馬升命
取矢獲者許諾司馬降釋弓反位弟子委矢司馬乘
之皆如初司射釋弓視筭如初釋獲者以賢獲與鈞
告如初降復位司射命設豐設豐實觶如初遂命勝
者執張弓不勝者執弛弓升飲如初司射猶袒決遂
左執弓右執一个兼諸弦面鏃適堂西以命拾取矢

闕何校

儀禮五

十三

朱鑑

如初司射反位二耦及衆主人大夫衆賓皆袒決遂
拾取矢如初矢不挾兼諸弦弣以退不反位遂授有
司于堂西辯拾取矢揖皆升就席司射乃適堂西釋
弓去扑說決拾襲反位司馬命弟子說侯之左下綱
而釋之命獲者以旌退命弟子退搨司射命獲者退
中與筭而俟司馬反爲司正退復觶南而立樂正命
弟子贊工即位弟子相工如其降也升自西階反坐
賓北面坐取俎西之觶興阼階上北面酬主人主人
降席立于賓東賓坐奠觶拜執觶興主人答拜賓不
祭卒觶不拜不洗實之進東南南面主人阼階上北面

拜賓少退主人進受觶賓主人之西北面拜送賓揖
就席主人以觶適西階上酬大夫大夫降席立于主
人之西如賓酬主人之禮主人揖就席若無大夫則
長受酬亦如之司正升自西階相旅作受酬者曰某
酬某子受酬者降席司正退立于西序端東面衆受
酬者拜與飲皆如賓酬主人之禮辯遂酬在下者皆
升受酬于西階上卒受者以觶降奠于篚司正降復
位使二人舉觶于賓與大夫舉觶者皆洗觶升實之
西階上北面皆坐奠觶拜執觶與賓與大夫皆席未
答拜舉觶者皆坐祭遂飲卒觶與坐奠觶拜執觶與

儀禮五

四

賓與大夫皆答拜舉觶者逆降洗升實觶皆立于西
階上北面東上賓與大夫拜舉觶者皆進坐奠于薦
右賓與大夫辭坐受觶以興舉觶者退反位皆拜送
乃降賓與大夫坐反奠于其所興若無大夫則唯賓
司正升自西階阼階上受命于主人適西階上北面
請坐于賓賓辭以俎反命于主人主人曰請徹俎賓
許司正降自西階階前命弟子俟徹俎司正升立于
序端賓降席北面主人降席自南方阼階上北面大
夫降席席東南面賓取俎還授司正司正以俎自西
階賓從之降遂立于階西東面司正以俎出授從者

主人取俎還爲弟子弟子受俎降自西階以東主
降自阼階西面立大夫取俎還授弟子弟子以降自
西階遂出授從者大夫從之降立于賓南衆賓皆降
立于大夫之南少退北上主人以賓揖讓說獲乃升
大夫及衆賓皆說獲升坐乃羞無筭爵使二人舉觶
賓與大夫不取莫觶飲卒觶不拜執觶者受觶遂
實之賓觶以之主人大夫之觶長受而錯皆不拜辯
卒受者與以筭在一者于西階上長受醕醕者不拜
乃飲卒觶以實具之受醕者不拜受辯筭皆不拜執觶
者皆與旅卒受者以虛觶降奠于筭執觶者洗升實

解及奠于實與大夫無筭樂賓與樂正命奏陔賓降
及階陔作賓出衆賓皆出主人送于門外再拜明日
賓朝服以拜賜于門外主人不見如賓服遂從之拜
辱于門外乃退主人釋服乃息司正無介不殺使人
速迎于門外不拜入升不拜至不拜洗薦脯醢無俎
賓酢主人主人不崇酒不拜衆賓既獻衆賓一人舉
觶遂無筭爵無司正賓不與徵唯所欲以告於先生
君子可也羞唯所有鄉樂唯欲記大夫與則公士爲
賓使能不宿戒其牲徇也享於堂東北尊給筭賓至
徹之蒲筵緇布純西序之席北上獻用爵其他用

以爵拜者不徒作薦脯用邊五臠祭半臠橫于上醢以豆出自東房臠長尺二寸俎由東壁自西階升賓俎脊脅肩肺主人俎脊脅臂肺肺皆離皆右體也進腍凡舉爵三作而不徒爵凡奠者於左將舉者於右衆賓之長一人辭洗如賓禮若有諸公則如賓禮大夫如介禮無諸公則大夫如賓禮樂作大夫不入樂正與立者齒三笙一和而成聲獻工與笙取爵于上篚既獻奠于下篚其笙則獻諸西階上立者東面北上司正既舉解而薦諸其位三耦者使弟子司射前戒之司射之弓矢與扑倚于西階之西司射既袒決

遂而升司馬階前命張侯遂命倚旌凡侯天子熊侯白質諸侯麋侯赤質大夫布侯畫以虎豹士布侯畫以鹿豕凡畫者丹質射自楹間物長如筈其間容弓距隨長武序則物當棟堂則物當楯命負侯者由其位凡適堂西皆出入于司馬之南唯賓與大夫降階遂西取弓矢旌各以其物無物則以白羽與朱羽糝杠長三仞以鴻臚韜上二尋凡挾矢於二指之間橫之司射在司馬之北司馬無事不執弓如射獲而未釋獲復釋獲復用樂行之上射於右楅長如筈博三寸厚寸有半龍首其中蛇交常當楅髮橫而奉之南面

坐而奠之南北當洗射者有過則撻之衆賓不與射者不降取誘射之矢者既拾取矢而后兼誘射之乘矢而取之賓主人射則司射擯升降卒射即席而反位卒事鹿中繇前足跪繫背容八筭釋獲者奉之先首大夫降立于堂西以俟射大夫與士射袒纁襦耦少退于物司射釋弓矢視筭與獻釋獲者釋弓矢禮射不主皮主皮之射者勝者又射不勝者降主人亦飲于西階上獲者之俎折脊脅肺臠東方謂之右个釋獲者之俎折脊脅肺皆有祭大夫說大東坐說之歌騶虞若采蘋皆五終射無筭古者於旅也語凡旅

閩何校

儀禮五

十七

余當一刊

不洗不洗者不祭既旅士不入大夫後出主人送于門外再拜鄉侯上个五尋中十尺侯道五十弓弓二寸以爲侯中倍中以爲躬倍弓以爲左右舌下舌半上舌箭籌八十長尺有握握素楚扑長如筭刊本尺君射則爲下射上射退于物一筭既發則答君而侯君樂作而后就物君袒朱襦以射小臣以巾執矢以授若飲君如燕則夾爵君國中射則皮樹中以詡旌獲白羽與朱羽糝於郊則問中以旌獲於竟則虎中龍獮大夫兕中各以其物獲士鹿中詡旌以獲唯君有射于國中其餘否君在大夫射則肉袒

儀禮卷第五

儀禮卷第六

○燕禮第六

燕禮小臣戒與者膳宰具官饌于寢東樂人懸設洗
篚于阼階東南當東雷壘在東篚在洗西南肆設
篚在其北西面司宮尊于東盃之西兩方壺左玄酒
南上公尊瓦大兩有豐幕用給若錫在尊南南上尊
士旅食于門西兩園壺司宮筵賓于戶西東上無加
席也射人告具小臣設公席于阼階上西鄉設加席
公升即位于席西鄉小臣納鄉大夫鄉大夫皆入門
右北面東上士立于西方東面北上祝史立于門東
北面東上小臣師一人在東堂下南面士旅食者立
于門西東上公降立于阼階之東南南鄉爾卿鄉西
面北上爾大夫大夫少進射人請賓公曰命某爲賓
射人命賓賓少進禮辭反命又命之賓再拜稽首許
諾射人反命賓出立于門外東南公揖卿大夫乃升
就席小臣自阼階下北面請執事者與羞膳者乃命執
事者執事者升自西階立於尊南北面東上膳宰請
羞于諸公卿者射人納賓賓入及庭公降一等揖之
公升就席賓升自西階主人亦升自西階賓右北面
士再拜賓答再拜主人降洗洗南西北面賓降階西

東面主人辭降賓對主人北面盥坐取觚洗賓少進
辭洗主人坐奠觚于篚與對賓反位主人卒洗賓揖
乃升主人升賓拜洗主人賓右奠觚荅拜降盥賓降
主人辭賓對卒盥賓揖升主人升坐取觚執冪者舉
冪主人酌膳執冪者反冪主人筵前獻賓賓西階上
拜筵前受爵反位主人賓右拜送爵膳宰薦脯醢賓
升筵膳宰設折俎賓坐左執爵右祭脯醢奠爵于薦
右與取肺坐絕祭齊之興加于俎坐扞手執爵遂祭
酒與席末坐啐酒降席坐奠爵拜告旨執爵興主人
答拜賓西階上北面坐卒爵興坐奠爵遂拜主人答
拜賓以虛爵降主人降賓洗南坐奠觚少進辭降主
人東面對賓坐取觚奠于篚下盥洗主人辭洗賓坐
奠觚于篚與對卒洗及階揖升主人升拜洗如賓禮
賓降盥主人降賓辭降卒盥揖升酌膳執冪如初以
酢主人于西階上主人北面拜受爵賓主人之左拜
送爵主人坐祭不啐酒不拜酒不告旨遂卒爵興坐
奠爵拜執爵興賓荅拜主人不崇酒以虛爵降奠于
篚賓降立于西階西射人升賓賓升立于序內東面
主人盥洗象觚升實之東北面獻于公公拜受爵主
人降自西階阼階下北面拜送爵士薦脯醢膳宰設

折俎升自西階公祭如賓禮膳宰贊授肺不拜酒立
卒爵坐奠爵拜執爵興主人答拜升受爵以降奠于
膳篚更爵洗升酌膳酒以降酢于阼階下北面坐奠
爵再拜稽首公啓再拜主人坐祭遂卒爵再拜稽首
公答再拜主人奠爵于篚主人盥洗升媵觚于賓酌
散西階上坐奠爵拜賓賓降筵北面答拜主人坐祭
遂飲賓辭卒爵拜賓答拜主人降洗賓降主人辭降
賓辭洗卒洗揖升不拜洗主人酌膳賓西階上拜受
爵于筵前反位主人拜送爵賓升席坐祭酒遂奠于
薦東主人降復位賓降筵西東南面立小臣自阼階

下請媵爵者公命長小臣作下大夫二人媵爵媵爵
者阼階下皆北面再拜稽首公答再拜媵爵者立于
洗南西面北上序進盥洗角觶升自西階序進酌散
交于楹北降阼階下皆奠觶再拜稽首執觶興公答
再拜媵爵者皆坐祭遂卒觶興坐奠觶再拜稽首執
觶興公答再拜媵爵者執觶待于洗南小臣請致者
若君命皆致則序進奠觶于篚阼階下皆再拜稽首
公答再拜媵爵者洗命小觶升實之序進坐奠于薦南
北上降阼階下皆再拜稽首送觶公答再拜公坐取
大夫所媵觶興以酬賓賓降西階下再拜稽首公命

小臣辭賓升成拜公坐與觶答再拜執觶興立卒觶
賓下拜小臣辭賓升再拜稽首公坐奠觶答再拜執
觶興賓進受虛爵降奠于篚易觶洗公有命則不易
不洗反升酌膳觶下拜小臣辭賓升再拜稽首公答
再拜賓以旅酬於西階上射人作大夫長升受旅賓
大夫之右坐奠觶拜執觶興大夫答拜賓坐祭立飲
卒觶不拜若膳觶也則降更觶洗升實散大夫拜受
賓拜送大夫辭受酬如受賓酬之禮不祭卒受者以
虛觶降奠于篚主人洗升實散獻卿于西階上司宮
兼卷重席設于賓左東上卿升拜受觶主人拜送觶

卿辭重席司宮徹之乃薦脯醢卿升席坐左執爵右
祭脯醢遂祭酒不啐酒降席西階上北面坐卒爵興
坐奠爵拜執爵興主人答拜受爵卿降復位辯獻卿
主人以虛爵降奠于篚射人乃升卿卿皆升就席若
有諸公則先卿獻之如獻卿之禮席于阼階西北面
東上無加席小臣又請媵爵者二大夫媵爵如初請
致者若命長致則媵爵者奠觶于篚一人待于洗南
長致致者阼階下再拜稽首公答再拜洗象觶升實
之坐奠于薦南降興立于洗南者二人皆再拜稽首
送觶公答再拜公又行一爵若賓若長唯公所酌以

旅于西階上如初大夫卒受者以虛解降奠于篚主人洗升獻大夫于西階上大夫升拜受觚主人拜送觚大夫坐祭立卒爵不拜既爵主人受爵大夫降復位胥薦主人于洗北西面脯醢無胥辯獻大夫遂薦之繼賓以西東上卒射人乃升大夫大夫皆升就席席工于西階上少東樂正先升北面立于其西小臣納工工四人二瑟小臣左何瑟面鼓執越內弦右手相入升自西階北面東上坐小臣坐授瑟乃降工歌鹿鳴四牡皇皇者華卒歌主人洗升獻工工不興左瑟一人拜受爵主人西階上拜送爵薦脯醢使人相

祭卒爵不拜主人受爵衆工不拜受爵坐祭遂卒爵辯有脯醢不祭主人受爵降奠于篚公又舉奠解雉公所賜以旅于西階上如初卒笙人立于縣中奏南陔白華華黍主人洗升獻笙于西階上一人拜盡階不升堂受爵降主人拜送爵階前坐祭立卒爵不拜既爵升授主人衆笙不拜受爵降坐祭立卒爵揖有脯醢不祭乃間歌魚麗笙由庚歌南有嘉魚笙崇丘歌南山有臺笙由儀遂歌鄉樂周南關雎葛覃卷耳召南鵲巢采芣采蘋大師告于樂正曰正歌備樂正由楹內東楹之東告于公乃降奠位射人自階下

請立司正公許射人遂爲司正司正洗角觶南面坐
奠于中庭升東楹之東受命西階上北面命卿大夫
君曰以我安卿大夫皆對曰諾敢不安司正降自西
階南面坐取觶升酌散降南面坐奠觶右還北面少
立坐取觶興坐不祭卒觶奠之興再拜稽首左還南
面坐取觶洗南面反奠于其所升自西階東楹之東
請徹俎降公許告于賓賓北面取俎以出膳宰徹公
俎降自阼階以東卿大夫皆降東面北上賓反入及
卿大夫皆說屨升就席公以賓及卿大夫皆坐乃安
羞庶羞大夫祭薦司正升受命皆命君曰無不辭賓

禮記

卷六

射義

七

及卿大夫皆盥對曰諾敢不醉皆反坐主人洗升獻
士于西階上士長升拜受觶主人拜送觶士坐祭立
飲不拜既爵其他不拜坐祭立飲乃薦司正與射人
一人司士一人執帨二人立于觶南東上辯獻士士
既獻者立于東方西面北上乃薦士祝史小臣師亦
就其位而薦之主人就旅食之尊而獻之旅食不拜
受爵坐祭立飲若射則大射正爲司射如鄉射之禮
賓降洗升饗觶于公酌散下拜公降一等小臣辭賓
升再拜稽首公答再拜賓坐以卒而再拜稽首公答
再拜賓降洗奠觶升酌膳坐以卒而再拜稽首小臣辭

賓升成拜公答再拜賓反位公坐取賓所媵解與唯
公所賜受者如初受酬之禮降更爵洗升酌膳下拜
小臣辭升成拜公答拜乃就席坐行之有執爵者唯
受于公者拜司正命執爵者爵辯卒受者興以酬士
大夫卒受者以爵興西階上酬士士升大夫奠爵拜
士答拜大夫立卒爵不拜實之士拜受大夫拜送士
旅于西階上辯士旅酌卒主人洗升自西階獻庶子
于阼階上如獻士之禮辯降洗遂獻左右正與內小
臣皆於阼階上如獻庶子之禮無筭爵士也有執膳
爵者有執散爵者執膳爵者酌以進公公不拜受執

散爵者酌以之公命所賜所賜者興受爵降席下奠
爵再拜稽首公答拜受賜爵者以爵就席坐公卒爵
然後飲執膳爵者受公爵酌反奠之受賜爵者興授
執散爵執散爵者乃酌行之唯受爵於公者拜卒受
爵者興以酬士于西階上士升大夫不拜乃飲實爵
士不拜受爵大夫就席士旅酌亦如之公有命徹罍
則卿大夫皆降西階下北面東上再拜稽首公命小
臣辭公答再拜大夫皆辟遂升反坐士終旅於上如
初無筭樂宵則庶子執燭於阼階上司宮執燭於西
階上甸人執大燭於庭閽人爲大燭於門外賓辭北

面坐取其薦脯以降奏設賓所執脯以賜鍾入於門
內雷遂出鄉太六皆出公不送公與客燕曰寡君有
不腆之酒以請吾子之與寡君須臾焉使菜也以請
對曰寡君君之私也君無所辱賜于使臣臣敢辭寡
君固曰不腆使菜固以請寡君君之私也君無所辱
賜于使臣臣敢固辭寡君固曰不腆使菜固以請某
固辭不得命敢不從致命曰寡君使其有不腆之酒
以請吾子之與寡君須臾焉君親寡君多矣又辱賜
于使臣臣敢拜賜命記燕朝服於寢其牲狗也享于
門外東方若與四方之賓燕則公迎之于大門內揖
讓升實為苟敬席于阼階之西北面有胥不嚙肺不
啐酒其介為賓無膳尊無膳爵與鄉燕則大夫為賓
與大夫燕亦大夫為賓羞膳者與執事者皆亡也羞
卿者小膳宰也若以樂納賓則賓及庭奏肆夏賓拜
酒主人答拜而樂闋公拜受爵而奏肆夏公卒爵主
人升受爵以下而樂闋升歌鹿鳴下管新宮笙入三
戎遂合鄉樂若舞則勺唯公與賓有俎獻公曰臣敢
奏爵以聽命凡公所辭比粟階凡粟階不過二等凡
公所酬既拜請旅侍臣凡薦與羞者小膳宰也一為
羞君與射則為下射袒宋禘樂作而后就物小豆以

巾授天稍屬不以樂志既發則小臣受弓以授弓人
上射退于物一筈既發則答君而侯若飲君燕則夾
爵君在大夫射則肉袒若與四方之賓燕勝爵曰臣
受賜矣臣請贊執爵者相者對曰吾子無自尊焉有
房中之樂

大射儀第七

大射之儀君有命戒射宰戒百官有事於射者射人
 戒諸公卿大夫射司士戒士射與贊者前射三日宰
 夫戒宰及司馬射人宿視滌司馬命量人量侯道與
 所設之以聖步大侯九十參七十干五十設之各去
 其侯西十北十遂命量人巾車張三侯大侯之崇皆
 鵠於參參見鵠於干不及地武不繫左下綱設之
 西十北十凡之用革樂人宿縣于阼階東笙磬西面
 其南笙鍾其南鑄皆南陳建鼓在阼階西南鼓應鼈

大三百六

一

有

在其東南南鼓西階之西頌磬東面其南鍾其南鑄皆
 南陳一建鼓在其南東鼓朔鼈在其北一建鼓在西
 階之東南南面鑄在建鼓之間鼈倚于頌磬西絃厥明
 司宮尊于東楹之西兩方壺膳尊兩甒在南有豐霽
 用錫若絺綴諸箭蓋霽加勺又反之皆玄尊酒在北
 尊士旅食于西鑄之南北面兩園壺又尊于大侯之
 之東北兩壺獻酒設洗于阼階東南壘水在東篚在
 洗西南陳設膳篚在其北西面又設洗于獲者之尊
 西北亦在洗北篚在南東陳小臣設公席于阼階上
 西鄉司宮諸賓席于戶西南面有加席鄉賓東東

上小卿賓西東上大夫繼而東上若有東面者則北上席工于西階之東東上諸公阼階西北面東上官饌羹定射人告具于公公升即位于席西卿小臣師納諸公卿大夫諸公卿大夫皆入門右北面東上士西方東面北上太史在于侯之東北北面東上士旅食者在士南北面東上小臣師從者在東堂下南面西上公降立于阼階之東南南卿小臣師詔揖諸公卿大夫諸公卿大夫西面北上揖大夫大夫皆少進大射正擯擯者請賓公曰命某爲賓擯者命賓賓少進禮辭及命又命之賓再拜稽首受命擯者及命賓

膳執事者蓋幕酌者加勺又反之筵前獻賓賓西階
上拜受爵于筵前反位主人賓右拜送爵宰胥薦脯
醢賓升筵庶子設折俎賓坐左執觚右祭脯醢奠爵
于薦右與取肺坐絕祭齊之興加于俎坐抗手執爵
遂祭酒與席未坐啐酒降席坐奠爵拜告旨執爵與
主人答拜樂闋賓西階上北面坐卒爵與坐奠爵拜
執爵與主人答拜賓以虛爵降主人降賓洗南西北
面坐奠觚少進辭降主人西階西東面少進對賓坐
取觚奠于篚下盥洗主人辭洗賓坐奠觚于篚與對
卒洗及階揖升主人升拜洗如賓禮賓降盥主人降

大司馬

儀禮

三

禮記

賓辭降卒盥揖升酌膳執事如初以酢主人于西階
上主人北面拜受爵賓主人之左拜送爵主人坐祭
不啐酒不拜酒遂卒爵與坐奠爵拜執爵與賓答拜
主人不宗酒以虛爵降奠于篚賓降立于西階西東
面擯者以命升賓賓并立于西序東面主人盥洗象
觚升酌膳東北面獻于公公拜受爵乃奏肆夏主人
降自西階阼階下北面拜送爵宰胥薦脯醢由左房
庶子設折俎升自西階公祭如賓禮庶子贊授肺不
拜酒立卒爵坐奠爵拜執爵與主人答拜樂闋升受
爵降奠于篚更爵洗升酌散以降酢于阼階下北面

坐奠爵再拜稽首公答拜主人坐祭遂卒爵興坐奠
爵再拜稽首公答拜主人奠爵于篚主人盥洗升媵
亞子賓酌散西階上坐奠爵拜賓西階上北面答拜
主人坐祭遂飲賓辭卒爵興坐奠爵拜執爵興賓答
拜主人降洗賓降主人辭降賓辭洗卒洗賓揖升不
拜洗主人酌膳賓西階上拜受爵于筵前反位主人
拜送爵賓升席坐祭酒遂奠于薦東主人降復位賓降
筵西東南面立小臣自阼階下請媵爵者公命長小
臣作下大夫二人媵爵媵爵者阼階下皆北面再拜
稽首公答拜媵爵者立于洗南西面北上序進盥洗

角觶升自西階序進酌散交于盥北降適阼階下皆
奠觶再拜稽首執觶興公答拜媵爵者皆坐祭遂卒
觶興坐奠觶再拜稽首執觶興公答再拜媵爵者執
觶待于洗南小臣請致者若命皆致則序進奠觶于
篚阼階下皆北面再拜稽首公答拜媵爵者洗象觶
升實之序進坐奠于薦南北上降適阼階下皆再拜
稽首送觶公答拜媵爵者皆退反位公坐取大夫所
媵觶興以酬賓賓降西階下再拜稽首小臣正辭賓
升成拜公坐奠觶答拜執觶興公卒觶賓下拜小臣
正辭賓升再拜稽首公坐奠觶答拜執觶興賓進受

虛解降奠于篚易解興洗公有命則不易不洗反升酌膳下拜小臣正辭賓升再拜稽首公答拜賓告于擯者請旅諸臣擯者告于公公許賓以旅大夫于西階上擯者作大夫長升受旅賓大夫之右坐奠解拜執解興大夫答拜賓坐祭立卒解不拜若膳解也則降更解洗升實散大夫拜受賓拜送遂就席大夫辯受酬如受賓酬之禮不祭酒卒受者以虛解降奠于篚復位主人洗觚升實散獻御于西階上司官兼卷重席設于賓左東上卿升拜受觚主人拜送觚卿辭重席司官徹之乃薦脯醢解升席庶子設折俎卿坐

禮記卷十七

卷十七

左執爵右祭脯醢奠爵于薦右興取肺坐絕祭不啻肺興加于俎坐執手取爵遂祭酒執爵興降席西階上北面坐卒爵興坐奠爵拜執爵興主人答拜受爵卿降復位辯獻卿主人以虛爵降奠于篚擯者升卿卿皆升就席若有諸公則先卿獻之如獻卿之禮席于阼階西北面東上無加席小臣又請媵爵者二人大夫賤爵如初請致者若命長致則媵爵者奠解于篚一人待于洗南長致者阼階下再拜稽首公答拜洗象雕升實之坐奠于薦南降奠立于洗南者二人皆再拜稽首送解公答拜公又行一爵若賓若長唯公

所賜以旅于西階上如初大夫卒受者以虛解降于
于篚主人洗觚升獻大夫于西階上大夫升拜受觚
主人拜送觚大夫坐祭立卒爵不拜既爵主人受爵
大夫降復位胥薦主人于洗北西面脯醢無胥辯獻
大夫遂薦之繼賓以西東上若有東面者則北上卒
擯者升大夫大夫皆升就席乃席工于西階上少東
小臣納土工六人西瑟僕人正徒相太師僕人師相
少師僕人士相土工相者皆左何瑟後者內弦掩越
右手相後者徒相八小樂正從之升自西階北面東
上坐授瑟乃降小樂正立于西階東乃歌鹿鳴三終

主人洗升實爵獻工工不興左瑟一人拜受爵主人
西階上拜送爵薦脯醢使人相祭卒爵不拜主人受
虛爵衆工不拜受爵坐祭遂卒爵辯有脯醢不祭主
人受爵降奠于篚復位太師及少師上工皆降立于
鼓北羣工陪于後乃管新宮三終卒管太師及少師
上工皆東拈之東南西面北上坐擯者自阼階下請
立司正公許擯者遂為司正司正適洗洗角解南面
坐奠于中庭升東楹之東受命于公西階上北面命
賓諸公卿大夫公曰以我安賓諸公卿大夫皆對曰
諸君不安司正降自西階南面坐取解升酌散降南

面坐奠解與右還北面少立坐取解與坐不祭卒解
奠之與府拜稽首左還南面坐取解洗南面反奠于
其所北面立司射適次袒決遂執弓挾乘矢於弓外
見鏃於弣右巨指鈎弦自阼階前曰爲政請射遂告
曰大夫與大夫士御於大夫遂適西階前東面右顧
命有司納射器射器皆入君之弓矢適東堂寘之弓
矢與中籌豐皆止于西堂下衆弓矢不挾總衆弓矢
福皆適次而俟工人士與梓人升自北階兩盞之間
䟽數容弓若丹若墨度尺而午射正莅之卒書自北
階下司宮埽所畫物自北階下太史俟于所設中之

禮記

七

西東面以聽政司射西面誓之曰公射大侯大夫射
參士射于射者共其侯中之不獲卑者與尊者爲耦
不異侯太史許諾遂北三耦三耦俟于次北西面北
上司射命上射曰某御於子命下射曰子與某子射
卒遂命三耦取弓矢于次司射入于次搢三挾一个
出于次西而揖當階北面揖及階揖升堂搢當物北
面揖及物揖由下物少退誘射射三侯將乘去始射
于又射參大侯再發卒射北面揖及階揖降如升射
之儀遂適堂西改取一个挾之遂取扑搢之以立于
所設中之西南東面司馬師命負侯者執旌以負侯

負侯者皆通侯執旌負侯而侯司射適次作上耦射
司射反位上耦出次西而揖進上射在左並行當階
北面揖及階揖上射先升三等下射從之中等上射
升堂少左下射升上射揖並行皆當其物北面揖及
物揖皆左足履物還視侯中合足而侯司馬正適次
袒決遂執弓右挾之出升自西階適下物立于物間
左執於右執簫南揚弓命去侯負侯皆許諾以宮趨
直西及之南又諾以商至之聲止授獲者退立于西
方獲者與其而侯司馬正出于下射之南適其後降
自西階適次釋弓說決拾襲反位司射進與司馬

儀禮

正交于階前相左由堂下西階之東北面視上射命
曰毋射獲毋獵獲上射揖司射退反位乃射上射既
發挾矢而后下射射拾發以將乘矢獲者坐而獲舉
旌以宮偃旌以商獲而未釋獲卒射右挾之北面揖
揖如升射上射降二等下射少右從之中等並行上
射於左與升射者相左立于階前相揖適次釋弓說
決拾襲反位三耦卒射亦如之司射去扑倚于階西
適階下北面告于公曰三耦卒射反揖扑反位司
馬正袒決遂執弓右挾之出與司射交于階前相左
射自西階自右物之後立于物間西南面揖弓命取

矢負侯許諾如初去侯皆執旌以負其侯而俟司馬
正降自西階北面命設楅小臣師設楅司馬正東面
以弓為畢既設楅司馬正適次釋弓說決拾敵反位
小臣坐委矢于楅此括司馬師坐乘之卒若矢不備
則司馬正又袒執弓升命取矢如初曰取矢不索乃
復承矢加于楅卒司馬正進坐左右撫之興反位司
射適西階西倚仆升自西階東面請射于公公許遂
適西階上命賓御于公諸公卿則以耦告于上大夫
則降即位而后告司射自西階上北面告于大夫曰
請降司射先降摺扑反位大夫從之降適次立于三

耦之南西面北上司射東面于大夫之西北耦大夫
與大夫命上射曰某御於子命下射曰子與某子射
卒遂北衆耦衆耦立于大夫之南西面北上若有士
與大夫為耦則以大夫之耦為上命大夫之耦曰子
與某子射告於大夫曰某御於子命衆耦如命三耦
之辭諸公卿皆未降遂命三耦各與其耦拾取矢皆
袒決遂執弓右挾之一耦出西面揖當楅北面揖及
楅揖上射東面下射西面上射揖進坐橫弓卻手自
司下取一个兼諸附興順羽且左還毋周反面揖下
射進坐橫弓覆手自弓上取一个兼諸附興順羽且

左還毋周反面揖既拾取矢梱之兼挾乘矢皆內還南面揖適福南皆左還北面揖搢三挾一个揖以耦左還上射於左退者與進者相左相揖退釋弓矢于次說決拾龔反位二耦拾取矢亦如之後者遂取誘射之矢兼乘矢而取之以授有司于次中皆龔反位司射作射如初一耦揖升如初司馬命去侯負侯許諾如初司馬降釋弓反位司射猶挾一个去扑與司馬交于階前適阼階下北面請釋獲于公公許反搢扑遂命釋獲者設中以弓為畢北面太史釋獲小臣師執中先首坐設之東面退太史實八筭于中橫委

儀禮七卷

其餘于中西與共而俟司射西面命曰中離維網揚觸梱復公則釋獲衆則不與唯公所中中三侯皆獲釋獲者命小史小史命獲者司射遂進由堂下北面視上射命曰不貫不釋上射揖司射退反位釋獲者坐取中之八筭改實八筭與執而俟乃射若中則釋獲者每一個釋一筭上射於右下射於左若有餘筭則反委之又取中之八筭改實八筭于中與執而俟三耦卒射宥降取弓矢于堂西諸公卿則適次繼三耦以南公將射則司馬師命負侯皆執其旌以負其侯而俟司馬師反位隸僕人埽侯道司射去扑適阼

階下告射于公公許適西階東生于賓遂摺扑反位
小射正一人取公之決拾于東北上一小射正授弓
拂弓皆以俟于東堂公將射則賓降適堂西袒決遂
執弓摺三挾一个升自西階先倚于物北北一筈東
面立司馬升命去俟如初還右以降釋弓反位公就
物小射正奉決拾以筈大射正執弓皆以從於物小
射正坐奠筈于物南遂拂以巾取決興贊設決朱極
三小臣正贊袒公袒朱櫛卒袒小臣正退俟于東堂
小射正又坐取拾興贊設拾以筈退奠于站上復位
大射正執弓以袂順左右隈上再下壹左執附右執

蕭以授公公親揉之小臣師以巾內拂矢而授矢于
公稍屬大射正立于公授以矢行告于公下曰留上
曰揚左右曰方公既授大射正受弓而俟拾發以將
乘矢公卒射小臣師以巾退反位大射正受弓小射
正以筈受決拾退奠于站上復位大射正退反司正
之位小臣正贊罷公還而后賓降釋弓于堂西反位
于階西東面公即席司正以命升賓賓升復筵而后
卿大夫繼射諸公卿取弓矢于次中袒決遂執弓摺
三挾一个出西面揖揖如三耦升射卒射降如三耦
適次釋弓說決拾罷反位衆皆繼射釋獲皆如初卒

射釋獲者遂以所執餘獲適阼階下北面告于公曰
左右卒射反位坐委餘獲于中西與共而俟司馬祖
執弓升命取矢如初負侯許諾以旌負侯如初司馬
降釋弓如初小臣委矢于楅如初賓諸公卿大夫之
矢皆異東之以茅卒正坐左右撫之進東反位賓之
矢則以授矢人于西堂下司馬釋弓反位而后卿大
夫升就席司射適階西釋弓去扑襲進由中東立于
中南北面視筭釋獲者東面于中西坐先數右獲二
筭爲純一純以取實于左手十純則縮而委之無委
異之有餘純則橫諸下一筭爲奇奇則又縮諸純下
與自前適左東面坐坐兼斂筭實于左手一純以委
十則異之其餘如右獲司射復位釋獲者遂進取賢
獲執之由阼階下北面告于公若右勝則曰右賢於
左若左勝則曰左賢於右以純數告若有奇者亦曰
奇若左右鈞則左右各執一筭以告曰左右鈞還復
位坐兼斂筭實八筭于中委其餘于中西與共而俟
司射命設豐司宮士奉豐由西階升北面坐設于西
楹西降復位勝者之弟子洗解升酌散南面坐奠于
豐上降反位司射遂袒執弓挾一个揖扑東面于三
耦之西命三耦及衆射者勝者比日袒決遂執張弓不

勝者皆襲說決拾卻左手右加弛弓于其上遂以執
弣司射先反位三耦及衆射者皆升飲射爵于西階
上小射正作升飲射爵者如作射一耦出揖如升射
及階勝者先升升堂少右不勝者進北面坐取豐上
之觶興少退立卒觶進坐奠于豐下興揖不勝者先
降與升飲者相左交于階前相揖適次釋弓襲反位
僕人師繼酌射爵取觶實之反奠于豐上退俟于序
端升飲者如初三耦卒飲若賓諸公卿大夫不勝則
不降不執弓耦不升僕人師洗升賓觶以授賓諸公
卿大夫受觶于席以降適西階上北面立飲卒觶授
閔何校

執爵者反就席若飲公則侍射者降洗角觶升酌散
降拜公降一等小臣正辭賓升再拜稽首公答再拜
賓坐祭卒爵再拜稽首公答再拜賓降洗象觶升酌
膳以致下拜小臣正辭升再拜稽首公答再拜公卒
觶賓進受觶降洗散觶升實散下拜小臣正辭升再
拜稽首公答再拜賓坐不祭卒觶降奠于篚階西東
面立擯者以命升賓賓升就席若諸公卿大夫之耦
不勝則亦執弛弓特升飲衆皆繼飲射爵如三耦射
爵辯乃徹豐與觶司宮尊侯于服不之東北兩獻酒
東面南上皆加勺設洗于奠西北篚在南東肆實一

散于篚司馬正洗散遂實爵獻服不服不俟西北三
步北面拜受爵司馬正西面拜送爵反位宰夫有司
薦庶子設折俎卒錯獲者適右个薦俎從之獲者左
執爵右祭薦俎二手祭酒適左个祭如右个中亦如
之卒祭左个之西北三步東面設薦俎立卒爵司馬
師受虛爵洗獻隸僕人與巾車獲者皆如大侯之禮
卒司馬師受虛爵奠于篚獲者皆執其薦庶子執俎
從之設于乏少南服不復負俟而俟司射適階西去
扑適堂西釋弓說決拾襲適洗洗觚升實之降獻釋獲
者于其位少南薦脯醢折俎皆有祭釋獲者薦右東

面拜受爵司射北面拜送爵釋獲者就其薦坐左執
爵右祭脯醢與取肺坐祭遂祭酒與司射之西北面
立卒爵不拜既爵司射受虛爵奠于篚釋獲者少西
辟薦反位司射適堂西袒決遂取弓挾个適階西搯
扑以反位司射倚扑于階西適阼階下北面請射于
公如初反搯扑適次命三耦皆袒決遂執弓序出取
矢司射先反位三耦拾取矢如初小射正作取矢如
初三耦既拾取矢諸公卿大夫皆降如初位與耦入
於次皆袒決遂執弓皆進當楅進坐說矢東上射東
面下射西面拾取矢如三耦若士與大夫爲耦士東

面大夫西面大夫進坐說矢棄退反位耦揖進坐兼
取棄矢與其耦比面搯三挾一个揖進大夫與其耦
皆適次釋弓說決拾襲反位諸公卿升就席衆射者
繼拾取矢皆知三耦遂入于次釋弓矢說決拾襲反
位司射猶挾一个以作射如初一耦揖升如初司馬
升命去侯負侯許諾司馬降釋弓反位司射與司馬
交于階前倚扑于階西適阼階下北面請以樂于公
公許司射反搯扑東面命樂正曰命用樂樂正曰諾
司射遂適堂下北面視上射命曰不鼓不釋上射揖
司射退反位樂正命大師曰奏狸首間若一大師不
與許諾樂正反位奏狸首以射三耦卒射賓待于物
如初公樂作而后就物稍屬不以樂志其他如初儀
卒射如初賓就席諸公卿大夫衆射者皆繼射釋獲
如初卒射降反位釋獲者執餘獲進告左右卒射如
初司馬升命取矢負侯許諾司馬降釋弓反位小臣
委矢司馬師乘之皆如初司射釋弓視筭如初釋獲
者以賢獲與鈞告如初復位司射命設豐實觶如初
受命勝者執張弓不勝者執施弓升飲如初卒退豐
實觶如初司射猶袒決遂左執弓右執一个兼諸弦

面鏃道次命拾取矢如初司射反位三耦及諸公卿大夫衆射者皆袒決遂以拾取矢如初矢不挾兼諸弦面鏃退適次皆授有司弓矢龍友位卿大夫升就席司射適次釋弓說決拾去扑龍友位司馬正命退福解網小臣師退福巾車量人解左下網司馬師命獲者以旌與薦俎退司射命釋獲者退中與筭而俟公又舉奠解唯公所賜若賓若長以旅于西階上如初大夫卒受者以虛解降奠于篚反位司馬正升自西階東楹之東北面告于公請徹俎公許遂適西階上北面告于賓賓北面取俎以出諸公卿取俎如賓禮遂出授從者于門外大夫降復位庶子正徹公俎降自阼階以東賓諸公卿皆入門東面北上司正升賓賓諸公卿大夫皆說履升就席公以賓及卿大夫皆坐乃安羞庶羞大夫祭薦司正升受命皆命公曰衆無不醉賓及諸公卿大夫皆興對曰諾敢不醉皆反位坐主人洗酌獻士于西階上士長升拜受解主人拜送士坐祭立飲不拜既爵其他不拜坐祭立飲乃薦司正與射人于解南北面東上司正爲上辯獻士士既獻者立于東方西面北乃薦士祝史小臣亦就其位而薦之主人就士旅食之尊而獻之旅

食不拜受爵坐祭立飲主人執虛爵奠于篚復位賓
降洗升勝觶于公酌散不拜公降一等小臣正辭賓
升再拜稽首公答再拜賓坐祭卒爵且拜稽首公答
再拜賓降洗象觶升酌膳坐奠于薦南降拜小臣正
辭賓升成拜公答拜賓友位公坐取賓所勝觶興唯
公所賜受者如初受酬之禮降更爵洗升酌膳下再
拜稽首小臣正辭升成拜公答拜乃就席坐行之有
執爵者唯受于公者拜司正命執爵者爵辯卒受者
者興以酬士大夫卒受者以爵興西階上酬士士升
大夫奠爵拜士答拜大夫立卒爵不拜實之士拜受

大夫拜送士旅于西階上辯士旅酌若命曰復射則
不獻庶子司射命射唯欲卿大夫皆降再拜稽首公
答拜壹發中三侯皆獲主人洗升自西階獻庶子于
阼階上如獻士之禮辯獻降洗遂獻左右正與內小
臣皆於阼階上如獻庶子之禮無筭爵士也有執膳
爵者有執散爵者執膳爵者酌以進公公不拜受執
散爵者酌以之公命所賜所賜者與受爵降席下奠
爵再拜稽首公答再拜受賜爵者以爵就席坐公卒
爵然後飲執膳爵者受公爵酌反奠之受賜者與授
執散爵者執散爵者乃酌行之唯受於公者拜卒爵

者興以酬士于西階上士升大夫不拜乃飲實爵士
不拜受爵大夫就席士旅酌亦如之公有命徹幕則
賓及諸公卿大夫皆降西階下北面東上再拜稽首
公命小臣正辭公答拜大夫皆辟升反位士終旅於
上如初無筭樂宵則庶子執燭於阼階上司宮執燭
於西階上甸人執大燭於庭閭人為燭於門外賓醉
北面坐取其薦脯以降奏陔賓所執脯以賜鍾人于
門內雷遂出卿大夫皆出公不送公入鷲

儀禮卷第八

○聘禮第八

聘禮君與卿圖事遂命使者使者再拜稽首辭君不許乃退既圖事戒上介亦如之宰命司馬戒衆介衆介皆迎命不辭宰書幣命宰夫官具及期夕幣使者朝服帥衆介夕管人布幕于寢門外官陳幣皮北首西上加其奉於左皮上馬則北面奠幣于其前使者北面衆介立于其左東上卿大夫在幕東西面北上宰入告具于君君朝服出門左南鄉史讀書展幣宰執書告備具于君授使者使者受書授上介公揖入

人使禮八

官載其幣舍于朝上介視載者所受書以行厥明賓朝服釋幣于禰有司筵几于室中祝先入主人從入主人在右再拜祝告又再拜釋幣制玄纁束奠于几下出主人立于戶東祝立于牖西又入取幣降卷幣實于筭于西階東又釋幣于行遂受命上介釋幣亦如之上介及衆介俟于使者之門外使者載檀帥以受命于朝君朝服南鄉卿大夫西面北上君使鄉進使者使者人及衆介隨入北面東上君揖使者進之上介立于其左接聞命賈人西面坐啓櫝取圭壘練不起而授宰宰執圭壘自公左授使者使者受

者同面垂纁以受命既述命同面授上介上介受圭
屈纁出授賈人賈介不從受享束帛加璧受夫人之
聘璋享玄纁束帛加琮皆如初遂行舍于郊斂檀若
過拜至于竟使次介假道束帛將命于朝曰請帥奠
幣下大夫取以入告出許遂受幣餼之以其禮上賓大
牢積唯芻豢介皆有餼士帥沒其竟擔于其竟賓南
面上介西面衆介北面東上史讀書司馬執策立于
其後未入竟一肆爲壇壇畫階帷其北無宮朝服無
主無執也介皆與北面西上習享士執庭實習夫人
之聘享亦如之習公事不習私事及竟張檀擔乃謁

正德十二年

儀禮八卷

二

關人關人問從者幾人以介對君使士請事遂以入
竟入竟斂檀乃展布幕賓朝服立于幕東西面介皆
北面東上賈人北面坐拭圭遂執展之上介北面視
之退復位退圭陳皮北首西上又拭璧展之會諸其
幣加于左皮上上介視之退馬則幕南北面奠幣于
其前展夫人之聘享亦如之賈人告于上介上介告
于賓有司展羣幣以告及郊又展如初及館展幣于
賈人之館如初賓至于近郊張檀君使下大夫請行
反君使卿朝服用束帛勞上介出請入告賓禮辭迎
于舍門之外再拜勞者不答拜賓揖先入受于舍門

內勞者奉幣入東面致命賓北面聽命還少退再稽首受幣勞者出授老幣出迎勞者勞者禮辭賓揖先入勞者從之乘皮設賓用束錦償勞者勞者再拜稽首受賓再拜稽首送幣勞者揖皮出乃退賓送再拜夫人使下大夫勞以二竹簋方玄被纁裏有蓋其實棗烝栗擇兼執之以進賓受棗大夫二手授棗賓之受如初禮償之如初下大夫勞者遂以賓入至于朝主人曰不腆先君之祧既拚以俟矣賓曰俟間大夫帥至于館卿致館賓迎再拜卿致命賓再拜稽首卿退賓送再拜宰夫朝服設飧飪一牢在西鼎九羞正德六年刊聘禮八卷李紅抄三吳春五刊

鼎三腥一牢在東鼎七堂上之饌八西夾六門外米禾皆二十車薪芻倍禾上介飪一牢在西鼎七羞鼎三堂上之饌六門外米禾皆十車薪芻倍禾衆介皆少牢厥明訝賓于館賓皮弁聘至于朝賓入于次乃陳幣卿為上擯大夫為承擯士為紹擯擯者出請事公皮弁迎賓于大門內大夫納賓賓入門左公再拜賓辟不荅拜公揖入每門每曲揖及廟門公揖入立于中庭賓立接西塾几筵既設擯者出請命賈人東面坐啓櫝取圭垂纁不起而授上介上介不襲執圭垂纁授賓賓襲執圭擯者入告出辭王納賓賓入門

左介皆入門左北面西上三揖至于階三讓公升二
等賓升西楹西東面擯者退中庭賓致命公左還北
鄉擯者進公當楣再拜賓三退負序公側襲受玉于
中堂與東楹之間擯者退負東塾而立賓降介逆出
賓出公側授宰主裼降立擯者出請賓裼奉束帛加
璧享擯者入告出許庭實皮則攝之毛在內攝之人
設也賓入門左揖讓如初升致命張皮公再拜受幣
士受皮者自後右客賓出當之坐攝之公側授宰幣
皮如入右首而東聘于夫人用璋享用琮如初禮若
有言則以束帛如享禮擯者出請事實告事畢賓奉

束錦以請覲擯者入告出辭請禮賓賓禮辭聽命擯
者入告宰夫徹几改筵公出迎賓以入揖讓如初公
升側受几于序端宰夫內拂几三奉兩端以進公東
南鄉外拂几三卒振袂中攝之進西鄉擯者告賓進
訝受几于筵前東面俟公壹拜送賓以几辟北面設
几不降階上答再拜稽首宰夫實解以醴加柶于解
面枋公側受醴賓不降壹拜進筵前受醴復位公拜
送醴宰夫薦籩豆脯醢賓升筵擯者退負東塾賓祭
肺醢以柶祭醴三庭實設降筵北面以柶兼諸解尚
撰坐啐醴公用束帛建柶北面奠于薦東擯者進相

幣賓降辭幣公降一等辭栗階升聽命降拜公辭升
再拜稽首受幣當東楹北面退東面候公壹拜賓降
也公再拜賓執左馬以出上介受賓幣從者訝受馬
賓覲奉束錦總乘馬二人贊入門右北面奠幣再拜
稽首賓者辭賓出賓者坐取幣出有司二人牽馬以
從出門西面于東塾南賓者請受賓禮辭命牽馬右
之入設賓奉幣入門左介皆入門左西上公揖讓如
初升公北面再拜賓三退反還負序振幣進授當東
楹北面士受馬者自前還牽者後適其右受牽馬者
自前西乃出賓降階東拜送君辭拜也君降一等辭

賓者曰寡君從子雖將拜起也栗階升公西鄉賓階
上再拜稽首公少退賓降出公側授宰幣馬出公降
立賓者出請上介奉束錦士介四人皆奉玉錦束請
覲賓者入告出許上介奉幣儷皮二人贊皆入門右
東上奠幣皆再拜稽首賓者辭介逆出賓者執上幣
士執衆幣有司二人舉皮從其幣出請受委皮南面
執幣者西面北上賓者請受介禮辭聽命皆進訝受
其幣上介奉幣皮先入門左奠皮公再拜介振幣自
受西進北面授幣退復位再拜稽首送幣介出宰自
公左受幣有司二人坐舉皮以東賓者又納士介士

介入門右奠幣再拜稽首擯者辭介逆出擯者執上幣以出禮請受賓固辭公答再拜擯者出立于門中以相拜士介皆辟士三人東上坐取幣立擯者進寧夫受幣于中庭以東執幣者序從之擯者出請賓告事畢擯者入告公出送賓及大門內公問君賓對公再拜公問大夫賓對公勞賓賓再拜稽首公答拜公勞介介皆再拜稽首公答拜賓出公再拜送賓不顧賓請有事於大夫公禮辭許賓即館卿大夫勞賓賓不見大夫奠鴈再拜上介受勞上介亦如之君使卿常弁歸饗餼五牢上介請事賓朝服禮辭有司入陳

饗飪一牢鼎九設于西階前陪鼎當內廉東面北上當碑南陳牛羊豕魚腊腸胃同鼎膚鮮魚鮮腊設高鼎脚腫臄蓋陪牛羊豕腥二牢鼎二七無鮮魚鮮腊設于阼階前西面南陳如飪鼎二列堂上八豆設于戶西西陳皆二以並東上韭菹其南醢醢八簋繼之黍其南稷錯六鉶繼之牛以西羊豕豕南牛以東羊豕兩簋繼之梁在北八壺設于西序北上二以竝南陳西夾六豆設于西墉下北上韭菹其東醢醢八簋繼之黍其東稷錯四鉶繼之牛以南羊豕東豕豕以北牛兩簋繼之梁在西皆二以並南陳六壺

西上二以竝東陳饌于東方亦如之西北上壺東上
西陳醢醢百彘夾碑十以為列醢在東餼二牢陳于
門西北面東上牛以西羊豕豕西牛羊豕米百筥筥
米斛設于中庭十以為列北上黍梁稻皆二行稷四
行門外米三十車車三秬設于門西西陳薪芻倍禾賓皮
陳禾三十車車三秬設于門西西陳薪芻倍禾賓皮
弁迎大夫于外門外再拜大夫不答拜揖入及廟門
賓揖入大夫奉束帛入三揖皆行至于階讓大夫先
升一等賓從升堂北面聽命大夫東面致命賓降階
西再拜稽首拜餼亦如之大夫當升成拜受幣堂中

正

禮記卷八

七

西北面大夫降出賓降授老幣出迎大夫大禮辭
許入揖讓如初賓升一等大夫從升堂庭實設馬乘賓
降堂受老束錦大夫止賓奉幣西面大夫東面賓致
幣大夫對北面當楣再拜稽首受幣于楹間南面退
東面俟賓再拜稽首送幣大夫降執左馬以出賓送
于外門外再拜明日賓拜于朝拜饗與餼皆再拜稽
自上介饗餼三牢飪一牢在西鼎七羞鼎三腥一牢
在東鼎七堂上之饌六西夾亦如之筥及甕如上賓
餼一牢門外米禾視死牢牢十車薪芻倍禾凡其實
其陳如上賓下大夫韋弁用束帛致之上介韋弁以

受如賓禮。擯之兩馬束錦。士介四人皆餼太牢米。甬管設于門外。宰夫朝服牽牛以致之。士介朝服北面。再拜稽首受。無擯賓朝服問。卿卿受于祖廟。下大夫擯擯者出請事。大夫朝服迎于外門外。再拜賓不答。拜揖大夫先入。每門每曲揖。及廟門大夫揖入。擯者請命。庭實設四皮。奉束帛入。三揖皆行。至于階讓賓升。一等大夫從升。堂北面聽命。賓東面致命。大夫降階西再拜稽首。賓辭升成拜受幣。堂中西北面賓降出。大夫降受老幣。無擯擯者出請事。賓面如覲幣。賓奉幣庭實從入。門右大夫辭賓。遂左庭實設揖讓如初。大夫升一等賓從之。大夫西面賓稱面。大夫對北面當楣再拜受幣于楹間。南面退西面立。賓當楣再拜送幣。降出。大夫降授老幣。擯者出請事。士介特面幣如覲。介奉幣皮二人贊入。門右奠幣再拜。大夫辭擯者反幣庭實。設介奉幣入。大夫揖讓如初。介升大夫再拜受介降拜。大夫降辭介升再拜送幣。擯者出請衆介面如覲幣。入門右奠幣皆再拜。大夫辭介逆出。擯者執幣出禮。請受賓辭。大夫答再拜。擯者執上幣立于門中。以相拜。士介皆辟老受。擯者幣于中庭。士三人坐取羣幣以從之。擯者出請事。賓出大夫

送于外門外再拜賓不顧賓者退大夫拜辱下大夫
嘗使至者幣及之上介朝服三介問下大夫下大夫
如卿受幣之禮其面如賓面于卿之禮大夫若不則
君使大夫各以其爵爲之受如主人受幣禮不拜夕
夫人使下大夫韋弁歸禮堂上邊豆六設于戶東西
上二以竝東陳壺設于東序北上二以竝南陳醜黍清
皆兩壺大夫以束帛致之賓如受饗之禮饋之乘馬
束錦上介四豆四邊四壺受之如賓禮饋之兩馬束
錦明日賓拜禮於朝大夫餼賓大牢米八筐賓迎再
拜老牽牛以致之賓再拜稽首受老退賓再拜送上

介亦如之衆介皆少牢米六筐皆士牽羊以致之公
於賓壹食再饗燕與羞俶獻無常數賓介皆明日拜
于朝上介壹食一饗若不親食使大夫各以其爵朝
服致之以侑幣如致饗無饋致饗以酬幣亦如之大
夫於賓一饗一食上介若食若饗若不親饗則公作
大夫致之以酬幣致食以侑幣君使卿皮弁還王于
館賓皮弁襲迎于外門外不拜帥大夫以入大夫升
自西階鉤楹賓自碑內聽命升自西階自左南面受
圭退負右房而立大夫降中庭賓降自碑內東面授
上介于阼階東上介出請賓迎大夫還璋如初入賓

揚迎大夫賄用束紡禮玉束帛乘皮皆如還玉禮大
夫出賓送不拜公館賓賓辟上介聽命聘享夫人之
聘享問大夫送賓公皆再拜公退賓從請命于朝公
辭賓退賓三拜來禽於朝訝聽之遂行舍于郊公使
卿贈如覲幣受于舍門外如受勞禮無儻使下大夫
贈上介亦如之使士贈衆介如其覲幣大夫親贈如
其面幣無儻贈上介亦如之使人贈衆介如其面幣
士送至于竟使者歸及郊請反命朝服戴獐襪乃入
乃入陳幣于朝西上上賓之公幣私幣皆陳上介公
幣陳他介皆否束帛各加其庭實皮左公南鄉卿進

使者使者執圭垂纁北面上介執璋屈纁立于其左
反命曰以君命聘于某君某君受幣于某宮某君再
拜以享某君某君再拜宰自公左受玉受上介璋致
命亦如之執賄幣以告白某君使某子賄授宰禮玉
亦如之執禮幣以盡言賜禮公曰然而不善乎授上
介幣再拜稽首公答再拜私幣不告君勞之再拜稽
首君答再拜若有獻則曰某君之賜也君其以賜乎
上介徒以公賜告如上賓之禮君勞之再拜稽首君
答拜勞士介亦如之君使宰賜使者幣使者再拜稽
首賜介介皆再拜稽首乃退介皆送至于使者之門

乃退揖使者拜其辱釋幣于門乃至于禰筵几于室薦脯醢觴酒陳席于阼薦脯醢三獻一人舉爵獻從者行酬乃出上介至亦如之聘遭喪入竟則遂也不郊勞不筵几不禮賓主人畢歸禮賓唯饗食餼之受不賄不禮玉不贈遭夫人世子之喪君不受使大夫受于廟其他如遭君喪遭喪將命于大夫主人長衣練冠以受聘君若薨于後入竟則遂赴者未至則哭于巷衰于館受禮不受饗食赴者至則衰而出唯稍受之歸執圭復命于殯升自西階不升堂子即位不哭辯復命如聘子臣皆哭與介入北鄉哭出袒括髮入

門右即位踊若有私喪則哭于館衰而居不饗食歸使衆介先衰而從之賓入竟而死遂也主人為之具而殯介攝其命君弔介為主人主人歸禮幣必以用介受賓禮無辭也不饗食歸介復命柩止于門外介卒復命出奉柩送之君弔卒殯若大夫介卒亦如之士介死為之棺斂之君不弔焉若賓死未將命則旣斂于棺造于朝介將命若介死歸復命唯上介造于朝若介死雖士介賓既復命往卒殯乃歸小聘曰問問不享有獻不及夫人主人不筵几不禮面不升不郊勞其禮如為介三介記久無事則聘焉若有故則

卒聘束帛加書將命百名以下書於策不及百名書於方主人使人與客讀諸門外客將歸使大夫以其束帛反命于館明日君館之既受行出遂見宰閭幾月之資使者既受行日朝同位出祖釋較祭酒脯乃飲酒于其側所以朝天子圭與纁皆九寸剡上寸半厚半寸博三寸纁三采六等朱白蒼問諸侯赤綠纁八寸皆玄纁繫長尺絢組問大夫之幣侯于郊爲肆又齋皮馬辭無常孫而說辭多則更少則不達辭有足以達義之至也辭曰非禮也敢對曰非禮也敢辭卿館於大夫大夫館於士士館於工商管人爲客三

儀禮八

十一

日具沐五日具浴殮不致賓不拜沐浴而食之卿大夫訝大夫士訝士皆有訝賓即館訝將公命又見之以其摯實既將公事復見之以其摯凡四器者唯其所實以聘可也宗人授次次以帷少退于君之次上介執圭如重授賓賓入門皇升堂讓將授志趨授如爭承下如送君還而后退下階發氣怡焉再三舉足又趨及門止焉執圭入門鞠躬焉如恐失之及享發氣焉及容衆介北面踞焉私覲愉愉焉出如舒鴈皇几行入門主敬升堂主慎几庭實隨入左先皮馬相問可也賓之幣唯馬出其餘皆束多儀則傷于德幣

羹則沒其禮賄在聘于賄凡執玉無籍者襲禮不拜
至醴尊于東箱瓦大一有豐者脯五臠祭半臠橫之
祭醴再扱始扱一祭卒再祭主人之庭實則主人遂
以出賓之士訝受之既覲賓若私獻奉獻將命擯者
入告出禮辭賓東面坐奠獻再拜稽首擯者東面坐
取獻舉以入告出禮請受賓固辭公答再拜擯者立
于闕外以相拜賓辟擯者受宰夫于中庭若兄弟之
國則問夫人若君不見使大夫受自下聽命自西階
升受負右房而立賓降亦降不禮幣之所及皆勞不
釋服賜饗唯羹飴菹一尸若昭若穆僕為祝祝曰若孫
某孝子某為嘉禮于皇祖某甫皇考某子如饋食之
禮假器於大夫盼肉及廋車聘曰致饗明日問大夫
夕夫人歸禮既訖食旬而杜宰夫始歸乘會日如其
饗饋之數士中日則一雙月獻執一雙委其餘于面
會羞椒獻比歸大禮之日既受饗饋請觀訝帥之自
下門入各以其爵朝服士無饗無饗者無擯大夫不
敢辭君初為之辭矣凡致禮皆用其饗食之加邊豆無
饗者無饗禮凡饋大夫黍梁稷匡五斛既將公享賓
請歸凡賓拜于朝訝聽之燕則上介為賓賓為苟敬
宰夫獻無行則重賄反幣曰子以君命在寡君寡君

拜君命之辱君以社稷故在實小君拜君脫寡君延
及二三老拜又拜送賓於館堂竊問繹四皮束帛賓
不致主人不拜大夫來使無罪而食之過則餽之其介
爲介有大客後至則先客不鄉食食致之唯大聘有几
筵十斗曰斛子六斗曰簋十簋曰秉二百四十斗四
秉曰筥十筥曰稊士稊曰秬四自秉爲一耗

儀禮卷第九

公食大夫禮第九

公食大夫之禮使大夫戒各以其爵上介出請入告
三辭賓出拜辱大夫不荅拜將命賓再拜稽首大夫
還賓不拜送遂從之賓朝服即位于大門外如聘即
位具羹定甸人陳鼎七當門南面西上設扃鼎若
東若編設洗如饗小臣具槃匜在東堂下宰夫設筵
加席几無尊飲酒漿飲俟于東房凡宰夫之具饌于
東房公如賓服迎賓于大門內大夫納賓賓入門左
公再拜賓辟再拜稽首公揖入賓從及廟門公揖入

閔何衣

儀禮九

長右

賓入三揖至于階三讓公升二等賓升大夫立于東
夾南西面北上士立于門東北面西上小臣東堂下
南面西上宰東夾北西面南上內官之士在宰東北
西面南上介門西北面西上公當楣北鄉至再拜賓
降也公再拜賓西階東北面荅拜擯者辭拜也公降
一等辭曰寡君從子雖將拜興也賓栗階升不拜命
之成拜階上北面再拜稽首士舉鼎去帟於外次入
陳鼎于碑南南面西上右人抽扃坐奠于鼎西南順
出自鼎西左人待載雍人以俎入陳于鼎南旅人南
面加匕于鼎退大夫長盥洗東南西面北上序進盥

退者與進者交于前卒盥序進南面七載者西面魚
腊飪載體進奏魚七縮俎寢右腸胃七同俎倫膚七
腸胃膚皆橫諸俎垂之大夫既七七奠于鼎逆退復
位公降盥賓降公辭卒盥公壹揖壹讓公升賓升宰
夫自東房授醢醬公設之賓辭北面坐遷而東遷所
公立于序內西鄉賓立于階西疑立宰夫自東房薦
豆六設于醬東西上韭菹以東醢醢昌本南麋鷄以
西菁菹鹿鷄士設俎于豆南西上牛羊豕魚在牛南
腊腸胃亞之膚以爲特旅人取七甸人舉鼎順出奠
于其所宰夫設黍稷六簋于俎西二以並東北上黍

閔何校

儀禮九

二

樂馬刊

當牛俎其西稷錯以終南陳大羹湑不和實于鐙宰
右執鐙左執蓋由門入升自阼階盡階不升堂授公
以蓋降出入反位公設之于醬西賓辭坐遷之宰夫
設鉶四于豆西東上牛以西羊羊南豕豕以東牛飲
酒實于觶加于豐宰夫右執觶左執豐進設于豆東
宰夫東面坐啓簋會各郤于其西贊者負東房南面
告具于公公再拜揖食賓降拜公辭賓升再拜稽首
實升席坐取韭菹以辯擩于醢上豆之間祭贊者東
面坐取黍實于左手辯又取稷辯反于右手興以授
賓賓祭之三牲之肺不離贊者辯取之壹以授賓賓

與受坐祭扱手扱上鉶以扱擗搗之上鉶之間幣
飲酒於土豆之間魚腊皆首涪不祭宰夫授公飯梁公設
之于涪西賓北面辭坐一遷之公與賓皆復初位宰夫膳
稻于梁西士羞庶羞皆有大蓋取豆如宰先者反之
由門入升自西階先者一人升設于稻南簋西間容
人旁四列西北上躑以東臠臠牛炙炙南醢以西牛
戴醢牛鮓鮓南羊炙以東羊戴醢豕炙炙南醢以西
豕戴芥醬魚膾衆人騰羞者盡階不升堂授以蓋降
出贊者負東房告備于公贊升賓賓坐席末取梁即
稻祭于醬涪間贊者北面坐辯取庶羞之大興一以

授賓賓受兼壹祭之賓降拜公辭賓升再拜稽首公
答再拜賓北面自間坐左擁篲梁右執涪以降公辭
賓西面坐奠于階西東面對西面坐取之粟階升北
面反奠于其所降辭公公許賓升公揖退于箱擯者
退負來塾而立賓坐遂卷加席公不辭賓三飯以涪
醬宰夫執觶漿飲與其豐以進賓扱于興受宰夫設
其豐于稻西庭實設賓坐祭遂飲奠于豐上公受宰
夫來帛以侑西鄉立賓降筵北面擯者進相幣賓降
辭幣升聽命降拜公辭賓升再拜稽首受幣當東楹
北面退西楹西東面立公壹拜賓降也公再拜介逆

出賓北面揖執庭實以出公降立上介受賓幣從
訝受皮賓入門左沒霽北面再拜稽首公辭揖讓如
初升賓再拜稽首公答再拜賓降辭公如初賓升公
揖退于箱賓卒食會飯三飲不以醬涪掄手與北面
坐取梁與醬以降西面坐奠于階西東面再拜稽首
公降再拜介逆出賓出公送于大門內再拜賓不顧
有司卷三牲之俎歸于賓館魚腊不與明日賓朝服
拜賜于朝拜食與侑幣皆再拜稽首訝聽之上大夫
八豆八簋六鉶九魚腊皆二俎魚腸胃倫膚 若九
若十有一下大夫則若七若九庶羞西東毋過四列

儀禮九卷

四

上大夫庶羞二十加於下大夫以雉兔鷄鴛若不親
食使大夫各以其爵朝服以侑幣致之豆實實于壘
陳于楹外二以竝北陳簋實實于筐陳于楹內兩楹
間二以竝南陳庶羞陳于碑內庭實陳于碑外牛羊
豕陳于門內西方東上賓朝服以受如受饗禮無擯
明日賓朝服以拜賜于朝訝聽命大夫相食親戒速
迎賓于門外拜至皆如饗拜降盥受醬涪侑幣束錦
也皆自阼階降堂受授者升一等賓止也賓執梁與
涪之西序端主人辭賓反之卷加席主人辭賓反之
辭幣降一等主人從受侑幣再拜稽首主人送幣亦

然辭於主人降一等主人從卒食徹于西序端東面
再拜降出其他皆如公食大夫之禮若不親食則公
作大夫朝服以侑幣致之賓受于堂無擯記不宿戒
戒不速不授几無作席于門外東方司宮具几與
蒲筵常緇布純加萑席尋玄帛純皆卷自末宰夫筵
出自東房賓之乘車在大門外西方北面立劔筆牛
養羊苦豕薇皆有滑贊者盥從俎升簋有蓋幕凡炙
無醬曰大夫蒲筵如萑席其純皆如下大夫純卿擯
由下上贊下大夫也上大夫庶羞酒飲漿飲庶羞可
也拜食與侑幣皆再拜稽首

儀禮卷九

五

儀禮卷第九

儀禮卷第十

覲禮第十

覲禮至于郊王使人皮弁用璧勞侯氏亦皮弁迎于
帷門之外再拜使者不荅拜遂執玉三揖至于階使
者不讓先升侯氏升聽命降再拜稽首遂升受玉使
者左還而立侯氏還璧使者受侯氏降再拜稽首使
者乃出侯氏乃止使者使者乃入侯氏與之讓升侯
氏先升授几侯氏拜送几使者設几荅拜侯氏用束
帛乘馬儼使者使者再拜受侯氏再拜送幣使者降
以左驂出侯氏送于門外再拜侯氏遂從之天子賜

閔何恭

儀禮十

一

禮

舍曰伯父女順命于王所賜伯父舍侯氏再拜稽首
儼之束帛乘馬天子使大夫戒曰某日伯父帥乃初
事侯氏再拜稽首諸侯前朝皆受舍于朝同姓西面
北上異姓東面北上侯氏裨冕釋幣于櫺乘墨車載
龍旂弧韜乃朝以瑞玉有纁天子設斧依於戶牖之
間左右几天子衮冕負斧依嚳夫承命告于天子天
子曰非他伯父實來于一人嘉之伯父其入予一人
將受之侯氏入門右坐奠圭再拜稽首擯者謁侯氏
坐取圭升致命王受之玉侯氏降階東北面再拜稽
首擯者延之曰升升成拜乃出四享皆束帛加璧庭

實唯國所有奉束帛匹馬卓上九馬隨之中庭西上奠幣再拜稽首擯者曰予一人將受之侯氏升致命王撫玉侯氏降自西階東面授宰幣西階前再拜稽首以馬出授人九馬隨之事畢乃右肉袒于廟門之東方入門右北面立告聽事擯者謁諸天子天子辭於侯氏曰伯父無事歸寧乃拜侯氏再拜稽首出自屏南適門西遂入門左北面立王勞之再拜稽首擯者延之曰升升成拜降出天子賜侯氏以車服迎于外門外再拜路先設西上路下四亞之重賜無數在車南諸公奉篋服加命書于其上升自西階東面大

問何故

儀禮一

三十一

史是右侯氏升西面立大史述命侯氏降兩階之間北面再拜稽首升成拜大史加書于服上侯氏受使者出侯氏送再拜僮使者諸公賜服者束帛四馬僮太史亦如之同姓大國則曰伯父其異姓則曰伯舅同姓小邦則曰叔父其異姓小邦則曰叔舅饗禮乃歸諸侯覲于天子爲宮方三百步四門壇十有二尋深四尺加方明于其上方明者木也方四尺設六色東方青南方赤西方白北方黑上玄下黃設六玉上圭下璧南方璋西方琥北方璜東方圭上介皆奉其君之旂置于宮尚左公侯伯子男皆就其旂而立四

傳擯天子乘龍載大旂象日月升龍降龍出拜日於
東門之外反祀方明禮日於南門外禮月與四瀆於
北門外禮山川丘陵於西門外祭天燔柴祭山丘陵
升祭川沈祭地瘞祀凡侯于東箱備駕不入王門奠
圭于纁上

儀禮卷第十

